

مكتبة عرفت بالزقازيق
بمكة المكرمة

الولد مرومانسي



رواية في حدودية بالعامية

عادل القنصل

الناشر • مكتبة عرفت بالزقازيق

إهداء

إلى الأصدقاء:

الكاتب والناقد: أحمد رشاد حسـالـين.

الأديب: علي شـاهـين.

الصديق: أشرف فوزي أبو الطاهر.

إلى أسرتي:

زوجتي رضا الجنائني وابنتاي ريهام وريم.

بسم الله الرحمن الرحيم.



حياته كلها من يوم ما أتولد.. لحد ما دخل المدرسة الابتدائية وخرج السنة
الأخرانية وهو عايش في واحد من الأحياء الشعبية القاهرية.. مع إنه كان
شاطر وعلوبة في العربي والحساب لكن الأب مات ومافات لهم اللي
يقضيههم.. واضطر يشتغل ميكو بواير عند عم أبو سمير ومسا يعرفش عن
الحياة ولا شكلها برة حتته لحد ما بلغ ستاشر سنة وحياته الضيقة بتضم أمه
أم إبراهيم وأخوه إبراهيم الكبير على برة سافر عشان يعافر ويحبيب لقمة
العيش اللي تسد كل بق مفتوح وعصوفاً أبو محمد جوز أخته رمانة اللي
قاعد في البيت عويل بعد ما غلت لقمة عيشه من صناعة الغرابيل وعشان
كل طويل هيل سايق عليهم الجنان ويتخالف مع رمانة ويتلم عليهم الجيران.
والبيت أوضتين وكل أوضة متر ونص في مترين.. وصالته مخندقة ومخندقة
ومطبخ يادوب يقف فيه اللي يطبخ فيه أما دورة المية لها باب صاج زي
أبواب الدكاكين والحمد لله إن ماليش حد في العيلة تخش والباب يسترفع
لفوق ويدول لتحت ولو زوجن اللي يحش جواها يتخزن والحياة ماشية بالقوة.
ورمانسي يومه يتندي من الفجيرة لما يقوم يتوضى ويحمد ربه إن الأكل قضى

وأهو يوم استروا فيه وعدى..واللي بيصحيه يوماني ماجدة بنت عم
لجاني..اللي اسمها في الأصل ماجد..والاسم سماه أبوها الله يرحمه..على اسم
ولد عشان تمش..لكن أمها ساعات تتمنى لها الراحة من الدنيا..عشان
عقلها على قدها..بس ما فيش في جمال قدها..ده غير إن لسانها
مفقود..ورومانسي بحبها موعود..هي بتحيه وهو بيعطف عليها.

ورومانسي اسمه في الأصل منسي..وسب التسمية الأستاذ عطية..مدرس
التربية الموسيقية في مدرسته الابتدائية..عشان حبه للأغاني الرومانسية
لفيروز وماجدة الرومي..ده غير انه يمسوت في الفلفل الرومي والفراخ
القيومي..وما بيعيش الأغاني الحديثة وخصوصا المطرب بيسة.

وبعد ما يصلي الفجرية يشتري طبقين فول من عند هلهول..ويدي طبق
منهم لماجدة هي وأمها شوقيه بياعة المسلية ولبوت الفقير..اللي هي اسطى
في صحتهم وما فيش في طعامتهم ولا حلاوتهم..مع إن لبوت الففسر حلاوة
اتلفت من زمان وعمرها ما حست بمرور الزمان..في الحسارة الضيقة اللي
البيوت فيها يتحطن بعضها..والناس بالية فيها على ودها.

وبعد كده يقابل في مسكنه صاحبه..دهولة..اللي مدهول آخر دهولة..من
شم الكلة وهاكر نفسه ولد فله..ويروحوا شغلهم و آخر النهار ربنا يكرمسه
يومته اللي يجيب منها أكل البيت..ويحوش الباقي عشان هدمته..وبالليل
يروح لأستاذه عطية..يسمع أغانيه اليومية..من شط إسكندرية لفيروز لحد
أغنية مفترق الطرق لماجدة الرومي..وبعد كده يصلي العشا ويقول يارب..

بارك في يومي.

أما الليل حكايته حكاية.. لا يروح ويلقي عيسوي أبو ممدوح حائط ابنه
ممدوح في المشاية.. مع إن عنده خمس سنين.. ويلف به الصالة الضيقة ويدني
ويقول يا رايح ارض الأحلام.. خدني معاك الله يخليك.. زي ما بيتقال في
إعلان التلفزيون.. وبعد كده يحط ايده على رأسه ويبوق عينيه.. ويقول الله
يخليك؟ ازاي واحد حياخد قفلا أو قصر في ارض الأحلام يقول الله يخليك؟
ليه هو يشحت.. ده اللي بيأخد فيها لازم يكون مليونير.. ويرجع يكمل
بالولد لفته ويعني غنوته.. ورومانه مرانه تقول الطف يارب.. مش كفاية انه
عاطل.. هيكون وش كمان.. الطف بينا يا رحيم يا رحمن.

ويحش رومانسي اوضة أمه.. وينام على الأرض جنب سريرها.. وفي عز النوم
يتكرر موال كل يوم.. ويقوم من النوم على صرخة.. إما لميسوي أو ممدوح
أو رمانة.. واحد منهم وقع من على السرير الصغير.. اللي التلاثة بيناموا
عليه.. ويدعي ويقول يارب وسعها علينا وعليه.



وتغر عليه الأسابيع والأيام شبه بعضها.. ورغم إن الحياة رتيبة إلا انه سعيد
بيها.. حتى يوم الجمعة أجازته.. بعد ما يرجع من صلاة الفجر.. مايعرفش ينسام
ثاني من صوت الباعين.. بيع القصب يحمله على جل.. ويتادي عليه ويقول
خد الجميل يشفي كل عليل.. وبيع الفول يتادي ويقول الفول والبسيلة

هيجوزوا العريس الليلة..وبياعة الرسم تسادي وتقول ربي غزالك ربي..
الرسم اكل الارانب..وبا حلاوتها على الملوخية واكلة هنية..وبعد كدة يمر
الحاوي والاراجوز وصندوق الدنيا..وبا سلام على بياح الدندورمه لما يقول
بتعريفه يا جروي..وبتعريفه واحد..وبياح الحرنكش حطه في عريفة كارو
ومتعطية بنموسية..وينادي ويقول الست المستخية تحت النموسية..وكان
الشارع مسرح منوعات..مع إنا في النص الثاني من التسعينات..وكان حته
الشعبية معزولة عن الزمن اللي إحنا فيه..والقرش والتعريفه راحت عليه.



ويجي جواب من أخوه إبراهيم يقول فيه بسم الله الرحمن الرحيم..أنا نوبت
والنية لله اشترى عريفة واشغلها أجرة..ويرزقنا منها رب القدرة..والركبة في
رومانسي يسوقها ويشغل عليها..وهيبت مقدم تمنها والباقي ألساط تندفع
شهرية..بجالة بريدية..كل شهرية.

ويقعد رومانسي يفكر..وأمه تقوله ربنا هيدبر..يقولها ازاي وأنا ما اعرفش
أسوق عجلة..وكل حياتي يا أما بواير الجاز..وطربوشها وفونيتها وتسليكهها
يا برتها..ويصلي صلاة استخارة..ويسروح لسم غيارة..سواق من
حتهم..والراجل شار عليه يقابله في سوق العريسات..وعشان دينته
ضيقة..نادر لما يخرج بره حته..آخر مرة خرج..كان يوم ما أبوه مات و
حضر دفنته..وراح لصديق السو..دهولة..وقاله هطير بيك في الجو..والنطك

والحلحك.. وأول خروجه له برة الحسي.. صوت كلاكسات العربيات
هتطرشه.. ويقول معقول هتطلع من الطربوش والفولية.. لدنيا غير الدنيا.. ده
الحياة في المدينة وحينا.. لفرقها أمتار.. زى الفرق بين الجنة والنار
وصاحنا دهولة كان متقل العيار.. وخده وراحو.. المكان غير المكان.. ولما سئل
ناس.. عن سوق العربيات.. اساءوا النيات.. وصفوا لهم مكان بالذات يعد
عشرة كيلو مترات.. ولما راحوا مكان الوصفة.. لقوا الدنيا مليانة عفار
وتراب.. ودخل عليهم واحد شبه الغراب.. وقالمهم أهلا بالأحباب.. أنا ممسار
الحنة.. يا ترى عاوزين الحنة ذكر ولا نثاية.. وبص رومانسي لدهولة.. وقاله
إحنا لين يا وله.. رد السمسار بتلقائية.. بقى جاين الجهة دينة.. وماتعرفوش
إنكم في سوق الحمير؟



وراح رومانسي ثاني لعم غبارة.. وراحو سوا.. يشولوا عربية.. علي قد
النقدية.. وشار غبارة عليه.. يجيب عربية موديل قديم.. ويكون موتورها في
السليم.. ونصحه يشغلها.. على خط الجزيرة في الأرياف.. عشان يقدر يظبط
غلته.. واشتروا العربية.. موديل السبعينات.. واسعة ومريحة وعظمها
ناشف.. ودخل رومانسي على الدريكميون.. ماباش جواها.. عشان طوله
يادوب.. وجسمه نحيف ويتلف في روب.. وغبارة لما شافه ضحك من
قلبه.. وقاله انت يارومانسي يادوب.. تبقى دمية صغيرة.. تتعلق على البربريز.

ولما روح بيتهم بلغ أمه وأخته.. وقالهم على اللي شافه في دوخته.. وضروري
العربية يجيلها سواق.. وقام عيسوي من لومه ولاق.. وقال أنا اللي عليها
هابقى سواق.

وجهاز رخصته.. ونسي صنته.. والسواقة بقت مهنته.. ورومانه حذت رهبها.. إن
جوزها بقى عضو لعمال في الأسرة.. وأول مشوار كان لمدينة ارض
الأحلام.. اللي يحلم بيها من زمان.. وفي السكة.. المحصر بين عربية من ورا
وعربية لقدام.. وآخر النهار.. كان في مستشفى السلام.. والعربية بقى اللي
ورا شبه اللي لقدام.



ورومانسي يقول أول القصيدة كفر.. بقى كده يا عيسوي.. جتك يا عبد
المعين يا اللي عاوز تمنك.. لاقيتك فعلاً عاوز تمنك.. والعربية كمان عاوزة
تمنك.. وما فيش مبلغ للعربية تمنك.

وراح لاستاذة عطية.. للاقاه لابس نفس الجلاية.. اللي ما غيرهاش الزمان.. ما
هو كده الفنان.. قليل الحيلة وغلبان.. ومين من العلمان.. هياخد درس
خصوصي عنده.. في الموسيقى.. ورومانسي شكاه له.. وطلب منه يسمعه
اغنية.. لجايه فيروز وماجدة الرومي.. وراح في دنيا غير الدنيا.. والشجن
سيطر عليه.. وعطية شار عليه.. يتعلم السواقة.. ويسوق العربية بنفسه..
ووعده انه هيطلمه رخصة خصوصي.. من عند قريبه خلوصي.. اللي وظفته

كبيرة في المرور.. ولما يخلص جيشه.. يطلع له رخصة سواق أجرة.. ويوفقه
رب القدرة.. وأبتدا يتعلم السواقة.. بداية من المشاية بتاعة ممدوح.. وعجلة
لصحي جاره.. وربنا أعانه وصلح العربية.. وتدريباته اليومية.. في حبة
مقطوعة.. ومعاة دهولة.. وكل ما يتقدم بقوله الله ينور يا وله.. وطلع
رخصته.. واستعد عشان يزاول مهنته.



وراح الموقف.. وانتظر في الدور.. والسواقين حذروه من الرخصة الملاكى
اللى معاها.. عشان لو قامت حلبة من المرور.. مش حيحصل سواق
حظوظ.. وما يملكش غير يدعي ربنا يسترها معاها.. ولما جه عليه الدور.. جهز
نفسه وحط الشلثة تحت منه عشان ترفعه.. وأول ما جت الركاب
تركب.. بصوا له وضحكوا عليه.. وعشان هو فاهم المقصود.. قال عديسها يا
واد يا رومانسي واتوكل على الله.. وحط شريط في الكاسيت.. لاغنية سوق
على مهلك سوق.. وهو كمان ساق على مهله.. والركاب بقوا مبسوطين
وقالوا له.. الله ينور عليك.. ده إحنا كنا بتركب مع شياطين مش
سواقين.. ووصل مشواره في أمان الله.. ولم أجرته وحد ربنا على نعمته.. وفي
الرجعة حط الشريط.. لكن الزباين المرة دي نفروه.. وقالوا له إحنا راكبين
زحلفة.. إحنا ورانا مصالح يا آبا.. ده غير ما اتريقوا عليه وعلى المشلثة اللي

تحتيه..وبرضه قال عديها يا رومانسي عشان ربنا يعديها على خير.
و آخر النهار..العجن من الكام مشوار..لكن لما عند غلته..لقاها عال
وجرش العربية..وراح للحلواني بلال..واشترى لفتين بسبوسة..و اتوكل
على الله وراح الحارة..وقابلته ماجدة وكلمته بالإشارة..واطمنت عليه ومد
لها أيديه..بلقة السبوسة..ورفعت ايديها للسما ودعيت له..وبصت بعينها
وسبلت له..وابتسم لها ودعا لها..ان ربنا يرزقها بابن الحلال اللي طوله
لدها..حاكم هي طويلة..لكن بصت له بغضب..ولوت بوزها..وعمرها ما
اتمت حد غيره يبقى جوزها.



أمه بقت سعيدة وهو بعيد لها الفلوس..وعيسوي بيص له..ويقول له ما
لناش في الحظ نايب ده إحنا لسايب..ورومانة حلفت ما يمد ايده للفلوس..
لكن رومانسي راضاه واداله اللي فيه القسمة والنصيب..ورضى بمدوح و
أخته رومانة..واتفقوا إن الباقى يتحط في دفتر توفير باسم أخوهم
إبراهيم..صاحب الفضل في مشروع العربية..واتوكل على الله ونام..واول
مرة يحلم بأميرة الأحلام..بنت جميلة لابسة ليس مدرسة..وصوقا طرب زي
اللي بيحب بسمعهم..وقام الفجرية وقال اللهم اجعله خير..واتوضأ وصلى
الفجر واتوكل على الله على العربية.

وهو رايح الموقف غصب عنه التوقف.. وفرك في عينيه وكأنه لسه في حلمه..
لما لقي البنت اللي شافها لابسة لبس مدرسة.. وواقفة بتشااور لتاكسي.. وما
فيش تاكسي فاضي.. وبالعجل التقدّم لاحتيتها في عجل.. وما قدرش يفتح بقمه
ويقولها التفضلي اركبي.. لكن البنت بصت له في احتقار.. وجسمه لسا نار
من الكسوف.. وما قدرش يتحرك بالعريية لا لقدام ولا لورا.. وابنده على
الدريكنيون قفشت.. ورجله على البزين كلبشت وجسمه اتنفّض وجتته
اللبشت.. والحلوة من قدامه عدت ومشت.. والعرييات وراه عمالة تضرب
كلاكسات.. وصاحبنا كانه مات.. وجهه عليه ثلاث ونشات عشان
يسحبوه.. والفكر دعوة أبوه.. بالستر والمداية.. وطلع بالعريية وراح يدور
على أكل عيشه.. لكن البنت صورتها ما راحتش من باله.. وبقى تايه وما
فيش حد من الناس يطول حباله.. والكل مستعجل والدنيا كان فيه حاجة
مفترتاها.. ولازم يتفرت هو كمان عشان يقدر يعاقر.. وجاه واحد طلب
منه انه يسافر إسكندرية.. ويديله من النقديّة اللي يزيد عن عشرين
جنيه.. لكن مارضاش عشان هو يدرب حفظ خط سيره.. من بيتة للموقف
لضواحي الجزيرة واريالها.. ورجع بليل مهدود زي العادة.



وراح لدهولة يحكي له عن اللي حصل.. لاقاه للقمر وصل.. وجرعة الكله

زيادة على غير العادة.. اصل وابور الجاز.. في وشه هب وسابه وطلع على
استاذة الموسيقى.. لما سمع الأخبار.. قاله يا رومانسي حلمك اللي اتحقق
بسرعة.. معك ما وصلتش للجرعة لكن انت انسان شفاف تقصوم في عز
البرد من تحت اللحاف وتصلي الفجر.. انت مكشوف عنك
الحجاب.. ورومانسي خد بعضه وزوج.. وقعد يحلم حلم يقظة بالأمورة
اللي جت في حلمه وهو لائم.. وقال لنفسه إيه اللي خلاني اتحرك ناحيتها..
وأنا عمري ما فكرت في الحب ولا الارتباط بأي واحدة من البنات.. ونسام
وحلم بيها من تاني.. بتدبيله حاجة في ايده ورجعت خطفتها منه تاني..
وجريت ناحية غابة وتاهت فيها من غير ما يلاقيها.. وقام من النوم وحكى
لامه على الحلم وزى ناس الحنت الشعبية.. فسرت الحليم تفسيرات مش
مرضية.. وقالت له يا بني ربنا يسلمك منها إذا كانت إنسية ويكفيك شرها
إذا كانت جنية.



وخرج من البيت وهو مقبوض.. ولقي ماجدة واقفة له وجاية له شوية
عسلية.. بصلها بخية وقال لها اتقي تكوفي إنتي الإنسية.. لكن حي ليكي حب
أخ يخاف عليكي.. وماجدة حست إن حاله مش مظبوط.. شاورت له
بأيديها إيه اللي بيك يا حبيب القلب.. ورومانسي طعبط على كتفها.. وقال

لما إنشاء الله اصطباحك غسل.. وشاروت له إنما نفسها تطمح معاه في
العربية.. وقال لها الليلة اللي جاية.. وأتوكل على الله وراح على
العربية.. وركبها وسخنها ودعا ربنا يرزقه وما يكسله.. وركب غط
سيره.. لكن الدريكسيون قارح معاه.. وحذف على طريق الحبيبة ولقاهما
واقفة في نفس المكان.. وما كانش فيه عربيات قدامها.. شاروت له غصب
عنها.. وفتحت الباب السوراني للعربية.. وركبت وصاحبا أعصابه
الكهرت.. وأيديه ورجليه التشتت.. ومن غير ما تقول له على المكان.. طلع
على طول قدام مدرستها وأتوقف.. وهي بصت له واستغربت.. أزاى عرف
المكان اللي رايحاه.. وطلعت الفلوس وأدغما له وحاول يرد لها.. رميها له
وزغربت له وقالت له.. كريس إني ركبت معاك عربية نقل الموتى.. ورومانسي
بلم وما أتكلم.



رومانسي مزاجه يعلم بيه ربنا.. وقال أكيد الحلم اللي فسره أمي كان
عندها حق فيه.. يا فرحة ما تمت.. وبص للعربية من فوق لتحت.. العربية
صحيح شبه عربيات نقل الموتى بلونها الأسود الكيب.. والدور مفزوع على
صوت حريم يتصوت في وشه.. ومعاهم راجل شبه الاموات وقاله اطلع بينا
يا هندمة عشان للحق دفنة المريسة.. بص لهم وضحك وقال عندها
حق.. الاصطباحة حزابني ووحدوة.
وطلع معاهم المشوار.. والمشوار يهد الحيل.. المدافن في الجبل شبه مدافن

الفراصة.. ساعة الدفنة الحريم لعدت تصوت وتولول وتحيط بإيدها على
العربية.. كل واحدة أيدها زي الرزية.. وطبقوا الصاج.. وحاول يخلع
منهم.. لكن مسكوا فيه قال إيه لازم ياكل على روح المرحوم.. وسفرة
وتدوم وصلبوه معاهم لحد آخر الليل لحد العزا ما الفضى.. ورجع وقرر انه
يفير العربية.



وراح للرئيس غبارة سواق حتهم.. وطلب منه يفير له العربية بحاجة
محددة.. عشان يشغلها بالعداد.. والرئيس غبارة وعده وطلب منه يقابله في
السوق اللي جاي.. لكن الفلوس اللي كان بيعتها أخسوه قسط للعربية..
بقالها شهرين ما جتش.. ولا وصل منه جواب والقطعت أخباره.. وأمه بقت
للقالة عليه يا ترى في العربية جرا له إيه.. ونام وطلب من ربه إن يكون
عنده خير.. وراحت عليه نومة وما صلاش الفجيرة.. وأمه صحت عشان
يصلى الجمعة.. قام ملهول وكأنه في دليا غير الدنيا.. وحس إن الزمن غير
الزمن.. أول مرة ما يسمعش بيعين الصبحية.. ولما سأل أمه عنهم وزاي ما
قندرش يسمعهم.. أمه بهت له وقالت له بسم الله الحفيظ.. بيعين مين
يا بني.. قال لها بيع القصب بجمله وبيعة برسيم الأرنب.. وربي غزالك
ري.. وأمه ضحككت وقالت له أنت كنت بتعلم يا بني.. الناس دي كانت
بتيجي زمان قبل إنت ما تتولد.. وروماني بص لها وحس إن دماغه

اللتحيط وحس انه في كهف زي اهل الكهف.. اتوضأ وتوكل على الله
يصلى الجمعة.. وبعد الصلاة.. راح لأستاذة الموسيقى وحكى له عن اللي
حصل له.. والموسيقار أكد له إن اللي بيسمعه كل يوم جمعة الصبحية كان
موجود من أكثر من عشرين سنة عدوا.. ورومانسي حسن انه حصل له
لطف في دماغه.. لكن أستاذة هاوده وخده بالراحة وكأله طبيب نفساني..
وسأله عن طفولته.. ونام رومانسي على الأرض واتمدد.. ومن أسئلة
أستاذة الكثيرة.. التكر إن دي حاجات كان يحكيها له أبوه الطبيب في
حواديه.. وقام والنقص وقال لتكون حكاية البنت السنيرة.. تحليلات ضلفتها
في وقت الشبورة.



غير رومانسي العربية.. بعريه صغيرة محدقة.. تسأخذ من الركاب ثلاثة..
وعشان ما يقدرش يطلع رخصة سواقة أجرة.. اضطروا يكتبوا العربية باسم
عيسوي.. عشان معاه رخصة سواقة أجرة.. وخدوا عليه ورق ضد عشان
ما يتصرفش فيها.. حاكم اليومين دول سابق العرج على رمانة.. ده غير انه
سابق الهبل من اصله.. واشترط عليهم يدوله جزء ثابت يومي من غلة العربية..
وطلع بيها رومانسي اول طلعة.. لاحية بيت الحبوكة.. وراح قبل معاد
ماتزل من بيتها.. واستاها لحد ماتزلت.. ولما شافها بعينه أكاد إنها
حقيقة مش خيال.. وقرب منها وبصت له من فوق لتحت.. وقالت له انت

عاوزني اركب عليه السردين دي.. هوبنا يا شاطر.
ورومانسي خد على خاطره.. واستغرب ازاي واحدة بنت لاس.. ساكنة في
المكان الهادي ده.. بتقول هوبنا.. وما يعرفش إن البنات في الزمان ده.. مسايقين
العرج.. وما يعرفش إن كانوا بنات ولا صبيان.. وخصوصا في المجتمعات
الهادي.. أما البنات في حتهم لسه على فطرتهم وطبيعتهم.. والتي تصدر منها
العية تخشي وتدارى.. وعمل مقارنة بينها وبين ماجة.. لقى إن ماجة
فيها رجولة وعندها حياء ورغم علتها.. مافيش حد في رلتها.. وقعد يفكر إيه
اللي محلاه يتعلق بالسنيورة اللي لسه مايعرفش اسمها.. وهو راجل ملتزم
ويعرف ربنا.. يا ترى البنت دي إنسية ولا جنية.. وأتوكل على الله بالعربية
يشوف أكل عيشه.. وهو ماشي فرمل فجأة.. ألحقا له أنه عيط في بسة.. لقى
واحد راجل.. بسم الله ما شاء الله يجي طن.. ومصمم يركب معاه
العربية.. ورومانسي مكسوف يقول له ما يتلعشي.. لكن الراجل صمم
يركب جنبه.. وصاحنا خاف يقع في مشكلة عشان معهوش رخصة سواق
أجرة.. والراجل فتح باب العربية اللي جنبه.. ودخل قعد جنبه ورومانسي
القعص في الباب اللي جنبه.. وبعد ما كان فرحان بالعربية اللي ما بتحتاجش
شلة يقعد عليها.. والعربية القديمة كانت مبحجة تاخد الراجل ده والتين
جنبه.

ورومانسي دور العربية.. لقي الموتور يزقن.. والعربية كأنها بطلة بركت على
الأرض.. وبعد كده ابتدا يطلع منها دخان.. كأن الموتور هيقوت.. وقال
الراجل أنا مش قادر اطلع بالعربية.. لكن الراجل صمم وزغده

بأيديه... ورومانسي النظر هو وباب العربية براها.



رومانسي عند العربية عشان يصلحها.. وكان ما فيش حاجة منها في
مطرحها.. لا أبواها ولا كراسيها.. وقال يا رب على بر رسيها ورسيها.. وهو
ب يصلح العربية.. قابل توفيق اللي كان اعز صديق ل أخوه إبراهيم.. وكان
مسافر فعاه برة.. ورومانسي اتشعبط فيه وسأله عن أخوه.. وتوفيق اتجلىج
لي الكلام.. وقاله إن هو راجع من برة بقاله شهر وما شافش إبراهيم من مست
شهور واكثر.. اصله ساب الحنة اللي كانوا ساكنين فيها مع بعض.. وقال له
لو عايز تعرف حاجة عنه.. روح وزارة الخارجية اسأل.. وما كدبش عزيز
وراح.. وقابل موظف وسأله وقال له سيب بياناته وسبب عنوانك.. ولما
نستدل عليه هنرد عليك.

ورومانسي بقى قلقان على أخوه وخايف يكون حصل له حاجة.. ومش
عارف يلاحق عليها متين ولا متين.. والعربية لا بتسند في مصاريقها ولا في
إصلاحها ولا أفساطها.. وبقى متشالم أوى.. وقال حلها من عندك يا قوي.
وساب العربية عند الراجل عشان يصلحها والدنيا لما ضلعت في عنقه قال
يارب نور مصايحها.. وادي الناس اللي زينا على قد لبتها ومشى مصايحها
وقال يرجع يشتغل ثاني في بوابير الجواز لخدما العربية ترجع ثاني ونمشي مصايحنا



وروح حتهم وسمع صوت ناجية بينهم.. وجري وهو مش شايف.. لقي البنت
ماجدة بتلطم على وشها عشان مسالت أمها.. وازاي حثمت في الاوضة
بتاعتهم لوحدها.. وخد بخاطرها وشارر لها إن ربنا من عنده حيلها.. وعمل
الواجب.. والتحمل مصاريף الجنابة.. ويزيادة كمان عمل لها سهرة.. وفي العزا
بالليل.. دهولة كان مقل العيار.. وقال أنا نفسي اسرتها ويخطبها منك
ورومانسي لمره.. وقال له انت عاوز اللي يسترك..

ولفتح موضوعها مع أمه واقترح عليها إنما تعيش مغامم وهو يروح يقعد في
بيت أمها.. عشان البنية ما تسابش لوحدها.. والأم وافقت عشان هي ست
طيبة وأصيلة.. لكن رومانة زرجنت عشان عيسوي قاعد عويل في البيت
والبنت قلها مياس ومفري.. ووشها جميل وشعرها حرير.. ولمكن عيسوي
عنده تزوغ عليها.. لكن الأم صممت وقالت دي في حمارنا وحايها وربنا
يستمر الولايا.

وراحت أم رومانسي تبات معاها واتخذت حشة الليلة ورومانسي قعد يفكر
في البنية ومصرها.. ولو كان الواد دهولة يليق بيها كان وافق عليه لكن ميين
من شباب الحقة هيرضى يتجوز البنت دي همها وفقرها.



وثاني يوم..ابتدت ماجدة وأم رومانسي يوضبوا الاوضة عشان يقعد
فيها..وراحت قعدت مع أمه في البيت..ورومانسي راح عند العربية وبص
لها وحزن..وبابن إن كل حاجة حلوة ما يستمرش..والمرة دي ركسب زي أي
زبون تاكسي ووصله..وراح عند بيت السنيورة..لقى ميخا نزلها فات..
وخد بعضه وراح عند مدرستها..واستقى لحد المدرسة ما خرجت..لكن
السنيورة ما ظهرتش..ورجع البيت مكسور النفس والحاطر..لكن لقي
البيت زي الفل..ورجحة طيخ ترد الروح..وأمه قالت له..البت ربنا يسترها
لهلوة ونضيفة زي الفل..ولو المخطت ضمن بنات الكوتشينة حتقش
الكل..ولعدوا كلهم وكلوا من اكلها..وعيسوي عمال يزغر لها..لما لقي
حة باينة من رجلها..ورومانة لما لاحظت زغندته بكوعها في صدره..
وكانت هتبلعه نفسه.

ورومانسي لم هدمته آخر الليل وراح ينام في بيت أم ماجدة..ودخل لقي
الاوضة مفروشة زي الفل..بض على باب الاوضة..لقى عتدة الشغل..
الوابور والحلة اللي بيتمعمل فيها العسلية والنشابة والقطاعة..وقال الله
يرحك يا أم ماجدة..الله يرحم العسلية وثبوت الغفير..دخل على السرير
ونام..وقبل الفجر قام..على صوت حركة في البيت..وابور الجاز يتولع
والحلة النحاس يتحط فوقه..قام وقال بسم الله الرحمن الرحيم..وقام فتح

باب الاوضة..لقى أم ماجدة قاعدة بتحضر العسلية..وقالت له أنا مجهز لك
العسلية قبل ما تروح تصلي الفجرية..ورومالسي صرخ وقال الحقيني يا أما.



فكر يروح يبات مع دهوة اليوم الثاني..لقى الحال من بعضه..أمه المجوزة
وأعوالة الخمسة..ودهوة الفرح عليه..انه يروح يبات معاه في بيت ماجدة
واهو سرير يساعهم الاثنين..وراح معاه وهو خائف ودهوة قلبه ضعيف
أكثر من رومالسي..ورغم إن دهوة متقل الجربة..لكن لمح طيفها من
قدامه يجري وبسرعة..ورومالسي المرة دي ما شافش حاجة..والاثنين
فتحوا شباك الاوضة وطلعوا منها ليرة..وظلموا على النيل..وهما مبتين على
روحهم من الضحك..ودهوة يقول له الست دي باين عليها ماتت
مفتولة..ورومالسي يقول له حرام عليك دي ست طيبة..بس أمني حككت لي
مرة..عن الناس لما ييموتوا بتفضل روحهم..متعلقة بالمكان لمدة أربعين
يوم..وغد الحديث بينهم وطال..غضب عنهم الهوا لطشهم..ولساموا على
الكوريش..وما فيش ساعة وقاموا مفزوعين..لقوا أمين شرطة..واقف
قدامهم..ويشدهم من جلابهم..وغدهم على هربة الكمين..ولقوا
لفسهم محطوتين في القسم..وبتعمل لهم محاضر تحري..ساعة ما نطوا
من الشباك لكان معاهم بطاقة ولا تحقيق شخصية..وستر ربنا إن الظابط ما

خدش باله إن دهولة مسطول.. والتجوزوا في القسم.. لحد شيخ الحارة ما
يضمنهم.. وحت هجيب لهم بطايقهم.

لما دخل رومانسي الحجز.. وبص للناس المحجوزين.. استعجب إن عجلة
الزمن تتدلفه.. عشان يكون مع ناس زي دول.. لكن همد ربنا.. إن العملية
على قد محضر التحري.. وربنا سترها معاه قبل كده لما كان يسوق برخصة
ملاكي.. وحت في باله الحبيبة.. وآه لو عرفت انه بقى مسوايق.. وبص على
دهولة لقاه نام وشخر.. وقال له قوم يا جبلة.. الت سبب المصيبة اللي إحنا
فيها.. كان جرى إيه لو كنا قضينا الليلة مع أم ماجدة.. حتى لو مسيحتنا مع
العسيلة.. وآخر النهار جه شيخ الحارة.. ومعاه عيسوي ورومانسة.. ومعاهم
البطايق.. وحتوا ربنا إنهم حيروحو.. لكن شيخ الحارة.. قال لهم إنهم مطلوبين
للتجنيد.. وحاولوا يسلكوا أمورهم معاه.. لكن لسوء حظهم.. إن الراجل
بيغني الله وما يعرفش غير الحق.. والتجنيد أمر واجب وحق.



ازاي هيسبوا أهلهم.. وكل واحد منهم يعتبر العائل الوحيد لهم.. ده العملية
مش ماشية وهما معاهم.. آمال هتمشي ازاي وهما بعيد عنهم.. ومندوب
التجنيد.. حط أمل قدام رومانسي.. إله ممكن ما يقبلش لأنه قصير..
ورومانسي قال له طب لو قبلت.. وأنا ليا أخ في الخارج ما يعرفش حاجة

عنه.. قال له أبقى قدم كشف عيلة.. و اما دهولة قال له أنا الكبير والعائل

الوحيد لميلة أبوها متولي والأم ست كبيرة وعاجزة.. قاله هتعمل مثل

زميلك.. والله يفتنه ويميتك..



والاثنين اترحلوا للتجنيد.. وحت قرعتهم في الداخلية.. واكثر حاجة كان

متأثر منها رومانسي إنه هيسب حته.. والزوجة اللي يهلي ليها.. خصوصيا

إن الشهر الفضيل قرب.. ورمضان.. في حتهم الشعبية دنيا تانية.. ودهولة

استغرب.. إن رومانسي قبل في التجنيد.. مع إنه قصير.. لكن لحظه إن طول

هو الحد الأدنى المطلوب.. والدفعة اللي حل التجنيد عليهم.. أغلبهم

صعابدة.. وأجسامهم زي الفراشة.. طوان وعراض.. وفي طوابير التجنيد..

دهولة مرة دليل للطابور قدام ومرة دليل ورا.. أما رومانسي.. كان في نص

الطابور.. ومش باين.. ودايما الشاويش يقول.. الطابور ناقص واحد..

ورومانسي أنا اهو يا حضرة الشاويش.. وبعد الطوابير.. رومانسي يهلي

لفرض ربنا ويقرا قرآن.. ويقول يا رب هون الأيام لإما ارجع لأهلي أو

يرجع اخويا بسلام.. وفي أول زيارة.. راحت أمه وعيسوي ورومانة وماجدة

يزوروه.. ولما شافهم بكى وهما كمان بكوا.. إلا ماجدة اللي كانت مبسوطة..

لما شافته في اللبس الميري.. رغم إنه زي الدمية فيه.. لكن في عينها.. زي قالد

العسكر.. وهو الحب كده دايما.. يجلي الحبيب في نظر الخروب.. أحلى من طعم


الخروب.. وفي الزيارة جابت أكلة مسقة له ولصاحبه دهولة.. وبلغوا دهولة
سلام أمه واختاته.. ورومانس طلب من عسوي.. انه يتقي الله في أمه واخته
وماجدة.. إما يصلح العربية.. أو يشوف له شغلانة.. ربنا يرزقه ويرزقهم منها.



رومانسي ودهولة إقدوا من الطواير.. لكن لما دخل عليهم رمضان ابتدى
يخف التدريب.. وفي أول يوم منه.. ضرب المدفع.. وبص للعين لقاء أعلى من
دموع عيونهم.. والفكر رمضان.. في حتهم الشعبية قبل المغربة.. لما رواج
الأكل الشعبي.. وقف من البيوت.. إشي مسقة أورد يحيى.. أو فول مدمس
بالصلصة.. أو العدس والبصارة.. اللي الناس بتفتن في طيخها بمهارة.. وربنا
مدي الصحة لولاد الحارة.. من الرضا بالقسوم والقناعة.. والزينة
والفوانيس.. وعم لطيف.. صانع الكنافة والقطايف.. وبص للسما قام شايف
الهلل منور فيه.. وقال يا رب هون الأيام.. وولاد مصر الصالحين في فروض
الصلاة متجمعين وإمامهم الشاويش أمين.. ويصلوا التراويح والفجر
في معاده.. والقائد يرفع من معنايتهم ويقولهم انتم جنود مصر وولادها
ونحافظوا على أمنها عشان بتاكلوا من أكلها ويتشربوا من مية نيلها وانتم
قناديلها تنام الناس على حاكم والوعد من الله النار ماتس عيونكم ولا تمسكم



وانتهت فترة التدريب.. وعرفوا إن لهم ترحيل.. وقرعته في الترحيل.. لأمن
المواني.. في جمارك بورسعيد.. وزمائلهم يقولوا لهم.. يا بختكم.. وما يعرفوش
إيه المستحي لهم.



رغم إن فترة التدريب كانت صعبة.. لكن رومالسي طلع منها بمعارف
كثير.. ولما جه وقت الترحيل.. سلم على صحابه اللي من كل البلاد.. منهم
اللي الترحل.. على فرق أمن في الصعيد ومطروح والأمن المركزي..
وحراسات الأماكن الهامة في القاهرة.. وقد إيه حس إن مصر كبيرة.. وإن
عبء الأمن أكبر.. وذكريات جميلة.. لمدة خمسة و أربعين يوم.. عدهم عداد
الزمن.. ويقوا مكون من مكونات حياته.. وقال قد إيه دنيا ربنا جميلة.. لما
مخرج من لوقته اللي كان محبوس فيها.. وقال سبحان الله.

وجه اللوري بالندوب اللي هيرحلهم لبورسعيد.. أول مرة يخرج فيها برة
حدود المكان اللي اتولدوا تربي فيه.. ولما اللوري قرب من قناة السويس..
وشاف المراكب بتعدي فيها.. افكر معلوماته في المدرسة الابتدائية عن
بورسعيد الوطنية.. وتاريخها المسطر بالطولات.. في حرب ستة وخمسين..
وحس بالشراح وسرور في دنيا جديدة هيحش فيها.



ووصلوا معسكر المواني على المغربية.. ولقي جامع جميل.. استأذن من
الشاويش.. عشان يروح يصلي المغرب.. لقي في الجامع واحد لابس ملابس
ملكية.. في وحه القبول.. وافكر انه شافه يصلي باستمرار معاه في زاوية
حتته.. وسأل العساكر القدام عنه.. قالوا له ده الرائد.. مخلص عبد الظاهر..

طابط مباحث الجمارك.. وكان عاوز يكلمه.. ويسأله يمكن يكون من
حتته.. لكن اتكسف وخاف.. عشان هو لسه في ازل حياة الميري.. واتعشوا
وانتهى أول يوم على خير في بورسعيد.



الصبح قاموا من النوم.. والشاويش بلغهم إن طابط العلاقات العامة
والشتون المعتوية هيعمل معاها لقاء.. عشان يعرفهم طبيعة عملهم في السواني
والمهام اللي هيتكلفوا بيها.. وبعد كده انصرفوا على الكاتين.. ودهولة
جري عشان يجيب سجاير.. لقاهما مش موجودة عشان ممنوعة.. ورومانس قال له
اصبر زي ما صبرت فترة التدريب.. ده أنت وشك نور وصحتك بقت
حديد.. ودهولة يقول له.. الدماغ اللي بلا كيف عاوزه قطع السيف.. وشوية
وجه ولد عسكري قديم شكله لبط.. واسمه برشامة.. عرف دهوله عشان
كانوا أصحاب في الكيف.. وقال له.. أوعى يا دهولة تقول على صنعتك
الحقيقية.. وعرفه برومانسي وقال له ده زميلي وسواق وقال له أنت بالذات
أوعى تقول انك سواق.. لحسن هيسلموك عربية عهدة بسألوف الجنيحات..
وهما بيتكلموا جه الشاويش ولهم الواد برشامة.. وقال لهم ده واد لاقده ويقاله
عشر سنين.. ومش باين له خروج.. وسجله كله محاكمات عسكرية.. عشان
كثير الغياب والهروب.

وضرب البروجي عشان طاوور اللقاء.. واجتمع بيهم الطابط.. وقال لهم اتم

جنود.. حماة الأمن الاقتصادي.. وشغلتم إنكم تحافظوا على النظام والأمن
وتحتموا التهريب.. والمهربين.. جحاولوا يغروكم.. عشان تقعوا في
شباكهم.. والشرف غالي.. وانتم كلكم ولاد بلد.. وعارفين قيمة الشرف.
واتوزعت المساكر.. جزء منهم في الجمارك.. وجزء منهم في المينا.. ورسيت
السفينة برومانسي ودهولة.. خدمة في المطبخ.. على أساس انه مكتوب في
بطايق تعارفهم.. انهم سمكينة براير جاز.. وأكيد هينفعوا في صيانة
البوتوجاز.. وكل واحد منهم قبض من المرتب شهرين.. ورومانسي اشترى
منهم ايشارين.. لاهمه وماجدة.. واثنين كيلو تفاح.. من بتاع بورسعيد.. لأخته
وجوزها وابنها.. وكمان شريطين كاسيت لماجدة الرومي وفسيروز.. وركب
القطر.. مع زميله اللي رايحين مصر ومعاها دهولة.



أول ما وصل حتهم.. باس عتبة باب بيتهم.. وخذ أمه بالأحضان.. وأخته
كمان.. وماجدة الشوق في عنيها بيان.. وقدم هداياه وعيسوي قال له يا
هنا.. هيعيش في خير بورسعيد.. وهيلسهم كل جديد.. ورومانسي يقول ما
تتشمش قوي.. ده أنا يا دوب عسكري.

وراح زار أستاذه الموسيقار عطية.. وطلع الشريطين.. وقعد يسمعهم معاها..
وهو راجع البيت بالليل.. عدى على دهولة.. عشان ياخذ يات معاها.. في بيت

أم ماجدة.. وقعدوا الاثنين يصوموا على حوارى الحنة اللي وحشتهم.. أيام
جملة فيها فاتتهم.. واتحبت من أعمارهم.. ويا ترى إيه اللي مخياه لم
أقدارهم.. وأول ما دخلوا البيت.. هيتريا الضحك مسكتهم.. وافتكروا
الليلة إياها.. اللي كانت السب في القبض عليهم وترحيلهم للجيش..
واتمعدوا جنب بعض على السرير.. وافتكروا أيام التدريب والشقا
والهنا.. اللي شافوه فيها.. وشويه.. وسمعوا صوت وابور الجاز يتولع.. وحلة
العسلية يتحط عليه.. وضحكوا وقالوا.. مهما تعملي يا أم ماجدة في بيتك
قاعدين وعلى سريرك نايمين.



وتاني يوم الاجازة كان أول مشوار على بيت الحبية.. واستنى يشوفها ما
شافهاش.. ونادى عليها من قلبه ما لاقاش.. لا طيفها ولا صورقها.. وبص على
بلكونتها.. على أمل تخرج ويشوفها.. وبعد شوية لقى ناس جاية ملام
عشب ويتحطها على البيت.. وطلع عليها واحد.. وقال ناولني يا شمشون..
فرع النور الأخضر.. وبعدها ناوله فرع النور الأحمر.. وعرف إن البيت
هيقى فيه فرح الليلة.. وروح على أمل لو رجع بالليل يشوفها.. وان كانت
العروسة من الجيران.. هتشارك وحتبارك.. ورجع بالليل لاقاها نازلة بفستان
العروسة.. وعريسها جنبها ضلفة باب مترين.. والعرض عرضين.. والسن
يعدي الأربعين.. وعز على نفسه وكان نفسه يقول لها معقول أميرة

الأحلام.. تتجاوز صنم من الأصنام.. وميل على البواب.. اللي حسن حظه
كان رغاي.. وما يتبلش في بقة فولة.. وفتح له الكتاب من الصفحة
الأولي.. وقال له الست في بنت الحاج بسام.. أبوها كان في الخارج.. شغال
رسام.. ورجع ومعاها شريكه وصديقه.. المهندس حسان.. وفتحوا مع بعض
مصنع سراميك وبقي شريكه.. ودلوقي بقي لسيه.. وبعد كده شغل في
وقال له بتسال له يا استاذ.. بكى من قلبه وقال له.. اصل هأفتح جنب
مصنعمهم مصنع ازاز.



روح البيت وهموم الدنيا على دماغه.. ونفسه الاجازة تنتهي.. عشان يرجع
المسكر.. بعد ما القم انه يستكر على قلبه.. ولا ماجدة شافته.. وبصت
لعيه ولا حطته.. حست بحس الأتني.. إن فيه غيرها أنشي.. مسطرة على
كياله.. ومعشنة في أحلامه.. ومغلياه مش حاسس باللي وراه من
قدامه.. وطبطبت على كتافه.. وعنيها بتقول انت وبس اللي حبيبي.. وبنا ريتك
تبقي نفسي.

وعسوي اداله حسين جنيه.. حقه من إيراد العربية.. وكان ليه الله ياكلهم
عليه.. لكن لما هداه هو ومراته وابنه إلهاداه.. حس إن ربنا هداه واقرب
له.. لكن برضه الدماغ فيها شوية شر.. وقال له أهل الحنة.. كتر عليك
منها القر.. فاكريتك في بورسعيد بتعرف وتعبي فلوس.. رومانسي قال

له انت باين عليك مهووس..وأنا قلت لك قبل كده أنا يا دوب
عسكري..وقبلها كنت ممكري..عيسوي قال له انسى اللي فات وعيش
النهاردة..دي فرصة يا بني مش هتنعوض..ده انت زي المعارين لدولة
عربية..ويا سلام لو توصي عليا زمايلك لما اروح بورسعيد واعمّل مصلحة
بالعربية..ورومانسي دُعر له ورجع له القلوس..وقال له رغم إننا حقى في
عربية اخويا..لكن يمكن نملّي عينيك..وربنا الغنى عنك وعن سكتك.



لما دهولة لافاه مهموم..قال له يالا بيتا نقوم..نروح سينما السيد هيصة..
عرض مستمر وفيها أربع أفلام..وأول فيلم كان رد قلبي..وصعب عليه
شكري سرحان ابن الجنائني لما حب..مريم فخر الدين بنت الباشا..وعيط
بالدموع..وثاني فيلم حكاية حب..لما كان عبد الحليم فخران وحب مريم فخر
الدين اللي برضه خالها باشا..والأفلام جت على الوجعة لما حس إن هو
شكري سرحان وعبد الحليم ولحقى مريم فخر الدين..وقال إن زمن
الفوارق..عمره لينا ما حيفارق..ودهولة لما حس إن رومانسي عواطفه خلت
كمان آخر دهولة..حب بجامله ويديله شمة كله..قام وسابه..وراح على
النيل..وبص على عواميد النور وسمع أغنية ضي القناديل..وكله شجن
والين..وما يعرفش طريق الحب هيوديه للين..وفاق على آدان العشا..خد

بعضه ومشى على جامع حتهم وصلى فرضه.. وطلب من ربنا يفسك
كربه.. صحيح الحب جميل وجهه طاهر ونضيف.. وهو ده حب اللي يحب
من طرف واحد.. إبتار وماهوش فيه أي اختيار.
وهو خارج من الجامع.. ملح طيف طايط المباحث.. مخلص عبد الظاهر..
وحاول يلحقه عشان يكلمه لاقاه فص ملح وداب.



قبل ما يسافر لوحده بعد أجازته.. عدى على وزارة الخارجية.. وسأل الموظف
عن أخوه.. قال له إحنا استدلتنا على عنوانه القديم.. وجاري البحث عن
عنوانه الجديد.. واطمن يا بني إحنا ما بنسأش أي مواطن من بلدنا.. حتى لو
في بلاد الإسكيمو.. وخرج رومانسي وهو مطمئن.. بعد ما حس باهتمام من
المستولين.. وراح على بيتهم وليس بدلتة الميري.. وسلم عليهم وطلع على
زميله دهوله.. ولاقاه معصلج ومش عاوز يروح معاه.. وقال له يا بني ده
يبقى هروب.. وسكة الميري معاك مش هتنتهي.. ولا عاوز تعمل زي الواد
برشامه.. وربنا هداها وقام وقلع البجاما وليس الميري وراحوا مع بعض
على محطة السكة الحديد.
في القطر.. طيف الحبيبة فمى ما بيروحش من باله.. وقال بينه وبين نفسه..
مادام أنت مش هتطولها.. عيش واحلم مع طيفها.. كأننا صورة جميلة عشقتها


وحيتها..وياما رسامين ومقالين رسموا صور ولحنوا تماثيل من الخيال..لبنات
حوا وحبوها..مع انهم بايئهم صنعوها.



وصلوا وحدهم بالليل بسلام..وقابلوا اصحابهم ودفعتهم بالشوق
والترحب والسلام..والصحية استلموا خدمتهم في المطبخ..والمهمة صعبة
وشاقة..وأول القصيدة كفر..لما دهولة ورومانسي شالوا حلة الشورية قدام
بعضيهم..وعشان دهولة أطول من رومانسي..الرفعة ما كانتش
مطبوعة..مرفوعة من ناحية دهولة وواطية من ناحية رومانسي..والشورية
وقعت على رجليه..وصرخ والعساكر اتلمسوا عليه..ورجليه بقت زي
الكوارع المسلوقة..ومرة ثانية..دهولة اتزلق في السمينة ودماغه كانت
حتفتح..ومافيش بعدها بأسبوع عيطوا بالدموع..لما قعدوا قدام البونوجاز
عشان يصلحوه ويخلفوه بحياة أبوه عشان ينصفهم قدام قاتلهم..وحاولوا
يسلكوه زي هواير الجاز..ضرب في وشهم الغاز..وكانوا هيلعوا.

وشاويش المطبخ دورهم لكتب القائد..وقال له دول ماينفعوش يسدوا في
شغل المطبخ..والقائد أمر بترحيلهم للخدمات..ولقوا نفسهم مترجلين..على
مكان في آخر بوزسعيد..امم الخدمات الخاصة بالمناطق البعيدة عن الرقابة
الجمركية..على حدود بحيرة المرة..ولما راحوا لقوا المكان..عبارة عن شريط

ساحلي أرضه رمليه.. وتحيطه اليه من كل ناحية.. ورومانسي عجبه المكان
لأنه مكان روماني.. زي الجزر اللي كان يشوفها في التلفيزيون في البلاد
الأجنبية.. أما دهوله.. حس بأنها منطقة خطر.. وابتدت مرحلة جديدة في
حياتهم الميري.



اجتمع بيهم الطابط هشام.. في وقت التمام.. ونبهم وحذرهم من إن الشيطان
يركب دماغهم.. وتبقى عينهم باصة وراهم وقدامهم.. عشان اليه يتحوطهم
من ورا وقدام.. والجندي الممام اللي يبقى صاحي وواعي.. عشان المهرين
دواهي.. والجندي اللي هيمسك قضية قريب هيقى له أكبر نصيب في
مكافأة مالية وعينية.. ويومين منحة على الاجازة بزيادة.. أما اللي هيخب
والمهرين يعدوا في خدمته.. حيثاكم وتطول خدمته.. والعسكري اللي
هيضحك عليه المهرين.. ويحاولوا يفرروه بالقولوس.. ولو ضعفت
النفوس.. اخاكمة سيكون جزائها أكبر.

وهما واقفين في التمام.. وياخدوا التعليمات.. مر عليهم الطابط مخلص عبد
الظاهر.. باللنش الطيارة.. وكان سايقه الولد دوباره.. اللي ساكن في حهم
في رابع حارة.. وقعد يشبه على روماني.. والطابط مخلص مر على العساكر
الجداا اللي منهم دهولة ورومانسي.. وعينه جت في عين روماني.. وقال له
أنا شفتك فين قبل كده يا مجند.. لكن روماني ارتبك وسكت.. وسأله تاني

أنت اسمك إيه.. قال له أنا الجند.. منسي أنيس انسي.. وشهري
رومانسي.. والضايط مخلص بص له وابتم.. وقال له رغم إن أنت قصر
وقله.. لكن أنا حاسس إن أنت هتبقى عسكري ممتاز.. وسابه
ومشي.. ورومانسي كان نفسه يقوله أنا باشوفك في جامع حتا.. وما ترى
رؤيتك خيال ولا واقع.. حاكم حاجات كثير كنت باشوفها واقع وتطلع
خيال.. زي بياعين الصبحة في حتا الشعية.



وأول خدمة كانت بالليل.. ورومانسي صاحي وواعي في خدمته.. ودهونه شاف
الويل.. مرة تنط سمكه في الميه دمه ييرب ويقول ده مهرب.. وبعد كده
قامت عاصفة.. وغطت على الميه ويصرخ ويقول.. أنا صاحي لكم يا مهربين
يا ولاد الخراميه.. ورومانسي سرح بخاله في الحبيه اللي عاوز يصاد.. لكن
لسه شاغلة باله.. وأقياً له إنها عروسة البحر تنط في الميه.. وم بتطلش
ملاغية.. ويقولها حيرتني أنت إنسية ولا جنية.. ولولا أني شفكت بعينا.. ما
كنت صدقت اللي حصل في الأمسية.. ياريتك تروحي من بالي عشان أشوف
حالي.. وهو في عز سرحانه.. مر الطايط مخلص بالنش.. ولمسح بعينه مهرب
يستحي تحت الميه.. ونادى على الطايط مخلص وقال له فيه مهرب تحت
الميه.. ومخلص ادور بالنش.. وراح المهرب في شربة ميه ومسكوه المخبرين
متلبس.. في محاولة قريب عشر التواب قماش.. حاططهم في بلاستيك عشان ما

تطوّلهمش اليه وانحكمت القضية.

ونافى يوم الصبحه ألدور مكتب مدير المواني فيري كما انزل وعلى سنجة
عشرة.. وأدى التحية والمدير رد عليه التحية.. ومد أيده وسلم عليه وأداله
..مكالفة مالية وشهادة تقدير لأمانته وصحائه في خدمته.. ومنحه أجازة لمدة
اثنين وسبعين ساعة.. وذهوله على قد ما هو صاحبه ويحبه.. لكن أنفاظ منه
عشان هيرل أجازة وبسببه لوحده.

ورومانسي عند المكالفة وراح اشترى بيها ريكورد صغير وشويه شرائط
لفيروز وماجدة الرومي.. وكمان شريط أغنية جبار لعبد الحليم حافظ..
وجاب شريطين هدية لأستاذة الموسيقى عطية.. وقبل ما تدن الظهره كان
راكب العربية البيجو.. عشان ما يروحش من الإجازة وقت يفضيه في السفر
بالقطر.. وكان في مصر قبل العصر.

وزع الهدايا اتني جايها.. وبعد كده راح على بيت الحبية وبص عليه.. ولما
رجع لأبنته ماجدة.. وحست باللي جزه عينه ش حب يابن عليه غرقان فيه.



ولما رجع من أجازته عدا على زاوية صغيرة جنب البحيرة في الطريق اللي
يودي على مكان خدمته.. دخل وصلى المفرا جماعة.. وصوت الإمام جنبه
بيرون وحس إن الصوت ده مش غريب عليه وكأنه سمعه قبل كده.. وعوط لما
سمع الإمام يركل القرآن.. بعد الصلاة الإمام لله عليه باسمه.. رومانسي بص

له واستغرب.. ازاى عرف اسمه.. والراجل قال له.. الناس اللي يمشوا في حب الله عمرهم ما كانوا غرب عن بعضهم.. رومانسي قال له أنا لساكر شكلك كويس يا مولانا.. مش لساكر إذا كان في حلم ولا حقيقة.. والإمام ضياد في البحيرة.. ويعتبروه شيخ الصيادين.. في وشه وقار وبشاشة.. وكلامه وحكمه موزونة.. مع انه راجل أمي.. رومانسي قال له أنا هاجي دائماً أصلي معاك جماعة.. الراجل قال له إن كان ليا عمر.. هنصلي دائماً مع بعض جماعة.. ونصحني انه يتلي بآله من خدمته.. وقال له إن كان فيه عساكر كثير قبله كانوا يجحوا يصلوا معاه.. وربنا دلهم على طريق النجاة.. وخلصوا جيشهم في أمان الله.. وغيرهم أغواهم الشيطان.. وعملوا فلوس وبسوا بيوت في أرباب بلدهم.. وكانوا بيعتروا فترة خدمتهم.. فترة يادوها في بلد عربية.. وحرموا الحلال وما اتقوا رهم.. وأوعى تكون في يوم من الأيام واحد منهم.. اصل الشيطان شاطر ومعلمت الحته اللي الست فيها بالقروش الحرام.

راح رومانسي وحده ومسك خدمته.. وقرب منه راجل عام في إليه.. وعرض عليه رشوة ألف جنيه.. والمطلوب انه يدور وشه ويطنش عند ما يعدي بالصلحة اللي معاه.. فماش من أغلى الأنواع.. مهر به لحساب واحد تاجر.. وهستلمه منه في عرض بحيرة المزلية.. وبسرعة ضرب طلقين في الهواء.. والطايط مخلص جه باللنش وقبض على المهرب.. وقال له أنت هسترقى وتصين حكممدار الخدمات.. تمر على القوات وتكتب في المحرقات.. ولنتك مكافأة كبيرة.. رومانسي بقى مبسوط وطول الليل عينه مفتجلة.. والسكر

كلام شيخ الصيادين.. إمامهم في الصلاة.. وثاني يوم وهو في راحة خدمته راح
لحد الراوية يصلي الظهر جماعة.. وأول ما دخل الراوية.. تقى نعيش ميت
ويصلوا عليه.. ويص على الإمام وما تقهوش.. ولدموعه ما قدرش يحوش أما
عرف إن الجثمان ده يتقى بتاعه.. وطلع معاهم في الجنائز وكانه فقد عز أهله
وأحبابه.. الراجل اللي عرفه في دقايق.. وكانه على الدنيا ضيف.. وهما رايمين
ينفخوه.. حسوا إن النعش من أيديهم ميطر.. والكل يقول الله أكبر.. بركااتك
يا شيخ هندام.. باللي طول عمرك طاهر ورؤفك حلال.. وناس ماشية في
الجنائز ويقول.. الراجل ده كان يشوف الجزر البعده اللي بعد ميات
الكيلو مترات بعينه المجردة.. والنمك كان دائما جلم عليه لما كان يول
بسطاد.. وكأهم فع بعض على معاد.



ورجع المرحدة بالليل حزين على الراجل اللي كان نفسه يقلى له وليس..
والليلة عدت عليه صبة.. لحد ما القجر ادن.. وصوت الادان من الراوية
واصل لحد عنده.. وكانه في حلم أو منام.. تقى الشيخ يعرضنا على خط
اليه.. وماشي فوقها برجله.. ويقول أنا رايح اصلي القجر يا منسي..
ومادعيلك ربنا يهديك وينجيك من اللي عاوز يؤذيك.. رومالسي جسمه
ارفعش ولي مكانه الكمش.. ولا بقى عارف زمانه من مكانه.
وجه معاد الاجازة وواح يركب الآتوبيس اللي يودي السكة الحديد.. لتقى

ثلث رجالة يقربوا منه.. كل واحد منهم زي الشحط.. وشوشهم منقطعة..
اتنين قيدوه من أيديه.. والتالت ضربه بمطوة في جنبه وقع على الأرض غرقان
في دمه..



وفتح عينه.. للى نفسه في المستشفى بين الحياة والموت.. والعضايط من جميع
الرب.. يوصوا الدكاترة عليه.. لكن الإصابة كانت في كليته.. اضطر الأطباء
يشيلوها.. وعلى مستشفى الشرطة في مصر حولوه.. عشان يكمل علاجه..
وامه وأخته لطموا وشهم.. وماجدة بتندب حظها على أمل كانت عايشة
عليه.. وأستاذة عطية زاره والدموع هالية عنيه.. وكمان شيخ جامع حتسهم..
دعا له بالشفاء.. وقال له يا بني المومن دائما مصاب.. ولك عند ربك أعلى
ثواب.. عشان حالطت على كرامتك.. وما تختش مهنتك.
والمباحث بتدور على اللي ضربوه.. لكن ما عتروش في حد.. ولما رجعوا تاني
وسألوه.. ما عرفش يحدد أشكالهم ولا ملامحهم.. عشان بسرعة غدروه.
وجاله الشيخ هندام في المنام.. وقال له على اسم اللي ضربك.. وبسرعة نده
على الدكتور أول ما قام من النوم.. وقال له أنا عاوز الطبايط عخلص.. ولما
مخلص جاله حكا له.. وعشان مخلص واجل طيب ما كترش في سؤاله.. ودوروا
على الاسم اللي قال عليه.. ولما وصلوا له.. اتعرفوا عليه من قيته
وطوله.. استغرب ازاى وصلوا له.. واعترف على نفسه وعلى زميله.. وكان

حكم القانون طابيلهم وطايله.
وكافئوه مكافأة كبيرة.. وكرموا في عيد الشرطة وخذ وسام يستحق به
معاش مدى السنين والأيام.



والأيام بتمر وهو قاعد في البيت.. وماجدة تشرف على علاجه وتداويه..
وهذه الشوق يشوق صاحبه دهولة.. ولما سأل عليه.. عرف انه اتحاكم
محكمة عسكرية عشان هارود المهرين.. واخذ سنة سجن واترقد من الخدمة
لسوء سمعته.

وفي ليلة جاله الطابط مخلص يزوره ويعطمن عليه.. وجاب له شغلة سواق.. عند
واحد بيه كبير.. جاره في العمارة.. ورومانسي شكره.. وقبل ما تنتهي
الزيارة.. ادن الآدان.. ومخلص خد رومانسي وراحوا يصلوا العشا جماعة في
جامع حتتهم.. ولما مخلص دخل الجامع.. حس انه دخله قبل كده من
زمان.. ورومانسي أكد له انه شافه في ده المكان.. والقلوب الصافية الوايلة
بتبقى أرواح بتتحرك في بيوت الرحمن من مكان لمكان سواء كانوا عايشين أو
ميتين.



ورومانسي خد العنوان من الطابط مخلص وراح معاه جوز اخته بالعريسة اللي
بقت على سبعة عشرة وحس إن جوز اخته بقى بيتقي الله ليهم وهما في

السكة جه أخوه في باله من زمان ما سألوش عنه وعدوا على الخارجية
والموظف لما شاله لاله لسه ما استدناش عن أي حاجة عنه ومخلوا بعض
بالعربية وراحوا العنوان المكتوب في الكارت رومانسي لقاء في عمارة كبيرة
ودخلها ووصل لحد مبنى الشركة لقي صاحبها راجل طيب ولما اداله
الكارت قاله غالي وجاي من عند غالي ده الظابط مخلص ساكن في العمارة
اللي جنبنا أحسن جيرة وأحسن لاس وعلى فكسرة الراجل يشكر فيك
ويقول إنك أمين ومخلص وبطل وكمان واخد وسام الشجاعة دي حاجة
تشرافي إنك تشتغل سواق عندي وقدمله حاجة ساقعة وكانت مقابلته
أحسن مقابلة و قاله أنت مش هتشتغل سواق معانا هتشتغل مع بناتي أصلها
عصية وبتسوق بسرعة جنونية وكل شهرين ثلاثة بتكسر عريضة.. رومانسي
قاله إظمن أنا بامشي بالعربية بسرعة الزحلفة الراجل طحك وقاله مش
لدرجة دي هي صحيح بتحب السرعة بس ما تقاودهناش.. زبعد كده
الراجل غده وطلع على بيته وأول ما وصلوا البيت رومانسي كأن بلك
كهربية مسك في جسمه معقول الدنيا صغيرة للدرجة دي ده بيت الحبيبة
وبلم وما قدروش يتكلم والراجل اداله مفتاح العربية ومفتاح الجراج بتاعها
وقاله تهجي بكرة الصبحية عشان توصلها الكلية.



روح البيت وكله هموم.. كان فاكر انه هيقى فرحان لما قرب من حبه
زمان.. اللي لا قبله حب ولا بعده حب.. وكان ندر نفسه لحبها اللي في
خياله.. ومش مهم يتشقلب حاله.. وماجدة دائما لما تبص له تفهم اللي في
عينه.. قلب الحبيب بيحس لما يمش حياة حبيه فليسب غريب.. يبقى لاني
اصعب من نار جوزة الطيب.

ولي المنام شاف الشيخ هندام.. مدبله شهره وبابن عليه زعلان.. ولما شافه لسهال
له ما تبمش لورا وبص لقدام.. وسابه ومشى.

قام من النوم مفزوع.. وقال إذا كنت عاوز زيارة يا شيخنا.. هاجي ازور قبرك
في القرب وقت.. وبعد كده ابتدا شغل مسرح المتوعات.. بيكعين الحنة اللي ما
سمهمش من زمان.. وقال المرة دي لازم ابص عليكم من الشباك.. أشوف إذا
كنتم حقيقة ولا خيال.. وبص من الشباك لقي طيفهم ماشي وسابهم.. فرك
في عينه وقال إيه اللي بيحصل لي أنا حقيقة ولا خيال.. أنا عايش ولا جيت
من زمن فات.. أنا في أي زمان وأي مكان.. ولا خاف دماغه تلسخ.. قام
اتوحا وصلى ركعتين.. وبص على الخريطة لقي شهادة التقدير واممة
منورها.. ومد أيده على جنبه.. وقال فدا الشرف والأمانة.

قام الفجرية وصلى ودعا لربه.. إن كان من وراها خير يرزقه بالشغل
معاها.. وإن كان هيجله شر يبعدها عنه بالتى هيجي من وراها.. أتوكل على
الله.. والشعيط في الأتوبس التي يوصل لمكان بيتها.. وبص البيت.. حسن إن
شكله اتغير.. مع إن الوقت التي عدى قصر.. وفتح الجراج وطلع العربية
وطوقها وقعد مستني فيها.. وساعة نجر ساعة.. لحد ما عدى تلت ساعات..
وقعد يفكر يا ترى شكلها بقى إيه.. ويا ترى جوزها هيجرل معاها ولا هتجرل
لو حدها.. راح مقفل شايك العربية وشغل التكيف ونام.



وقام مفزوع عنى أيد بتخبط على العربية بقرة.. وكأنها أيد فتوة.. فتسح عنه
ولي ثانية بقى بره العربية.. وسمع له كلمتين كان في غنى عنهم.. وقالت له من
أولها.. لا الكلام ده ما يتفعلش اصحى اللون يا خويا.. وما بقاش مصدق
ودانه ولا عينه.. شكلها بقى مش بناني.. ولعتها بقت سوقية.. والجو كله بقى
قلق.. وفتح لها الباب الوراني وركبت وقعد قدام الدريكسيون.. واستنى ياخذ
الأوامر.. لكن برضة فرغت فيه وقالت له.. مستنى إيه يا بني آدم.. قال لها
وجسمه كله بيتعرض.. على فين يا هانم.. سكنت شوية.. وقالت له.. آه ده
أنت لسه جديد.. على الجامعة الأمريكية.. بص لها ولم.. قالت إيه ما
تعرفهاش.. قال لها عدم المؤاخذه ولا عمري شفتها ولا سمعت عنها..
واتفرزت وانتطت وكانت عاوزه تنزله من العربية وهي تسوق.. لكن مسك
الدريكسيون وكلش فيه وقال لها ما تقطعش أكل عيشي.. دليني وأنا
هاروح مطرح ما التي عاوزه.. يا.. ست.. هانم.

بالعالية وصل لحد الجامعة الأمريكية.. وخذ منها نقورة وتقليس.. لحد ما كان
هيطلع في أيده الفتيس.. ونزلت من العربية ورزعت الباب.. وقال بساين عليها
هاروح فطيس.

وانتظر لحد الساعة أربعة.. كان كل جسمه حل.. خطف رجله وأكل طبق
كشري ورجع بسرعة.. لقاها واقفة جنب العربية ويتفخخ.. ورجع بيها ومش
شايف قدامه.. كان هيعمل ميت حادثة.. ووصل لبيتها بالعالية.. نزلت من
العربية ورزعت الباب.. قال العوض على الله.. استمارة ستة يا رومانسي.. لكن

قبل ما تطلع على أول عتبة قالت بكرة الساعة ستة الصبح يا سواق.. ردت
الدموية في وشه.. وجرج العربية وطار على البيت.



دخل خد دش فيه ساقعة في عز البرد عشان يخفف الضغط اللي في
نافوخه.. وبعد كده مسك جنبه واتالم.. ولما أمه وماجدة لاحظوا جروا
عليه.. وقالوا اسم الله عليه وحواليه.. قال لهم خير.. الشغلانة باين عليها
صعبة بس ربنا يقويني.. وفرش في الصالة ونام.. وماجدة حاولت تمنعه.. وتنام
بداله في الصالة.. لكن استحالة.. يخليها تنام في السكة قدام جوز اخته.. وقعد
على فرشته يفكر.. بقى دي الامله اللي كنت مستيتها وبأحلم بيها.. يعني
خلاص الدنيا ضاقت عشان قلبي الخايب يتعلق بيها.. ويدلني.. يا رب ما تحكم
عليها تدلني وهادوس على قلبي.. ولو صدر منها كلمة كده ولا كده.. هاخلع
من الشغلة دي.. وكفاية أعيش على طيلها الأولاني.. لما كانت فراشة بتطير في
بها أحلامي.



وراح ثاني يوم الصبحية في الميعاد.. والبسواب صبح عليه وقاله اعمل
حسابك.. ممكن تتركن كده لآخر النهار.. حاكم هي والعياذ بالله بغزالة.. والتكر

إن البواب ده فضولي وكلامه كثير ومن السهل يعرف منه اللي عاوز يعرفه.. وسأله ليه هي عصية أوي كده.. والبواب دايمًا يعمل لنفسه تقييل والآخر يقول على ما فيش.. وفي الأول قال له.. ما اعرفش.. ورجع قال له اصلها من ساعة الجوازة اهم.. اللي كلها مصالح.. وبقت أعصابها يعلم بيها ربنا.. دي بعد ما كانت تديني في الطلعة والتزلة وكرمها زايد.. دلوقتي بتديني في جنائي وهي طالعة وهي نازلة.. وكمان وهي قاعدة في البيت.. وقبل رومانسي ما يسأل عن الجوازة اللي يعلم بيها ربنا.. البواب قال له.. اصل يا سيدي جوزها كان راجل كبير.. كان مشارك أبوها في الخارج في مشروع ولما رجعوا.. وفتحوا شركة في مصر.. الراجل حب يشاركه في كل حاجة.. وانجوز البنت.. وفرشلها قصر.. لكن البنت ما استحملتش.. آه.. من حقها تتجوز شاب من عمرها.. لكن صاحبنا ما رضى يطلقها وعلقها لحد أبوها ما رفع قضية.. واتنازلت عن كل حقوقها وشوية من حقوق أبوها في الشركة.. والطمع يقل ما جمع.. ورجعت ثاني كليتها.. بعد ما التلخبطت سحتها.

وعدى اليوم وما نزلش.. وقعد مربوط جنب العربية لحد المغربية.. والآخر أبوها نزل وقال له وصلني يا رومانسي لحد الشركة.. اصل بنتي تعبانة ومش هتزل النهاردة.. وهو أول ما سمع كلمة تعبانة.. جن ركه.. ومن غير ما يحس سأل.. مالها يا سمعت الباشا.. أجيب لها دكتور.. الراجل بص لسه واستغرب.. وقال له ما فيش داعي.. وأول ما وصله لحد الشركة أداله ٥٠٠ جنية مقدم شهر.. ورومانسي ردهم.. وقال له أنا لسه بأقول يا هادي يا سمعت الباشا.. قال له امسك يا راجل.. ده أنت إن شاء الله هتبقى وش السعد عليا.. لما

سيتي المرة التي فاتت رست عليا مناقصة بليون جنية..من زمان الشركة ما
رستش عليها مناقصة بالمبلغ ده..أنا كل على الله وروح جرج العريسة وأنا
ها رجع في تاكسي..لكن رومانسي حلف ما هو ماشي إلا لما يخلص شغل
ويوصله.



المرة دي رجع الساعة اتين صباحا..وكان مهتود آخر هدة..ودخل نام واكمل
رز مع الملايكة..بعد ما أدى أمه من الفلوس نصها ولما جدة ربعها.



ركبت العربية..لفت معها البعاث أغنية لماجة الرومي..سدت في حالة
نشوى..سألته..الأغنية دي في الراديو..قال لها في تأكيد..ده شريط
كاسيت..سألته بتاعك..قال لها في تأكيد..ايوة..استغربت وقالت له..معقول؟
الت بتسمع ماجة الرومي..قال لها في التبحار أنا عندي كل شرائط
أغانيها..هي وفيروز..وحافظ كل كلماتها..بصت له واستغربت..وقالت له
الجيل بتاعكم بيفضل الأغاني الشابة..قال لها في تحفظ..هو حضرتك مش من
الجيل بتاعنا..ضحكت وسألته عن سنه..ولما عرفت انه اكبر منها بستتين

استغفرت وسألته في تلقائية..أنا ما اعرفش اسمك لحد دلوقتي..قال لها منسي
والشهرة رومانسي..فطست على روحها من الضحك..وقالت اسم على
مسمى..رومانسي..وأنت بالفعل رومانسي..بقى فرحان والدنيا مش سايعاه
وما بقاش عارف يسوق..وفجأة خبطته كلمة خلته يتغم..لما قالت له..بس
شكلك مش باين عليه أي رومانسية..وقف بالعربية..والعرق نزل منه وكان
هيمط..ولما لاحظت..قالت له ما تزعلش مني..أنا بساهزر معاك..انفرجت
أساريره كأنه نائم على سريريه ويحلم..مش مصدق نفسه ولا ودانه..وضرب
ايداه على دماغه عشان يفوق وبصت له واستغفرت..بتعمل كده ليه يا
رومانسي..قال لها في تعداد الأحياء أنا بقيت منسي.



رجع البيت والدنيا مش سايعاه..أول مرة يدخل وما يكلمش حد..خصوصا
ماجدة..اللي بقت زعلانة وقهرانة..وراج جايب المخدة على الارض
واتمدد..ونام وهو بيضحك..شافها في حلمه وهي بتمسك ايده وترقص معاه
والأرض مش شايله..مسك أيديها وقعد يبوس فيها..فاق من حلمه على
أمه وهي قاعدة جنبه ويبوس أيديها..قالت له ربنا يبارك فيك يا بني..بتبوس
أيدي وأنت نائم..كشتر في وشها وقال لها هي ايدك يا أما..ياللا..اهو برضه
خدت ثواب.



راح واشترى ازازة ريحة ليمون.. وغرق نفسه بيها.. وخد شريط لفيروز
وشغله في العربية.. لحد ما نزلت البنية.. بس شكلها زي الجنية.. ناكشة
شعرها.. ونار قايدة في وشها.. وركبت العربية من غير ما تتكلم ولا
كلمة.. وشخبطت فيه.. وقالت اقفل الزفت ده.. بص لها ببلاهة في ذهول..
وقال لها دي فيروز.. شخبطت فيه.. وقالت باقولك اقفل يا بني آدم.. قال استر
يا رب.. زعابيب أمشير هبت علينا.. وقال في نفسه.. إيه حكايتهك يا روح
الفؤاد.. مش لايق عليك الجد.. أمال فين الهزار.. شخبطت فيه وقالت له..
أنت حاطط الريحة اللي يحطوها على الميتين.. اطلع بسرعة على الكلية.. قال
استر يا معين.. وقبل ما توصل للكلية.. فرت من عينيها الدموع.. قالت له
ارجع تاني.. صعبت عليه.. مش عارف يعمل إيه.. واتسدر بالعبية ورجع
مطرح ما كان.



رجع الحنة ومش شايف قدامه.. إيه اللي بكاي يا عيون القلب.. يا ترى إيه
اللي بيكي.. نفسي أرسى على بر أراضيك.. وأراضيك.. لقي نفسه خبط في
دهولة.. باسه وحضنه.. لما عرف أنهم افرجوا عنه لحسن سيره وسلوكه..

معقول دهولة يبقى حسن السير والسلوك..قال له ده دماغى ضربت فيها كل السلوك..دخلت الجيش وطلعت منه صعلوك..وخدوا بعضهم على القهوة اللي ناحية حتتهم..دهولة شرب قهوة ومعلقة..ورومانسي شرب بالنسون.

وبعد كده طلع على أستاذه عطية..وحكى له اللي صدر من الجنية..اللي في صورة أحلى إنسية..قال له أستاذه..أنت مالكن عندها إلا انك تعيش في خيال هيتمد مع الأيام..هيخليك لا عارف تصحى ولا تسام..هو ده حب المحروم..زى حب الفنان لما دماغه تضرب وتبقى بتتجان.



راح عند البيت في المعاد..قابله البواب الفضولي..وحكى له من غير ما يسأله..وقال له جوزها عاوز يردها..وهي متعكنة ومزرجنة..وأبوها متردد..وهي بالانتحار بتهدد..بص للبواب وقال بينه وبين نفسه..يا سلام عليكم يا بوابين انتم والشغالين..المفروض تكونوا سترة للبيوت اللي بتشتغلوا فيها..لأن أسرار كل السكان في عنكم..الله ينتقم منكم..ورومانسي قعد في العربية..وطلع ازازة الريحة..وقبل ما يحط الفكر وقال..آه دي ريحة الميتين..لو حطتها هتخلي يومي طين..ورجعها وحطها في التابلوه..وجه يحط شريط فيروز..شاله بسرعة..وقال عدي اليوم على خير..وشوية لقاه نازلة

ومعها أبوها.. وهو ركب ورا وهي ركبت قدام.. جنب رومانسي.. وشها اصفر
زي الليمون.. ورومانسي هام وكأنه هينام.. اليرقان بتاعها دوخه.. بينه وبينها
ستيمترات معدودة.. حس بدفء جسمها.. وكهربا مسكته ودوخته.. وأبوها
قال له اطلع بينا على حته هادية يا رومانسي.. وهي بصت له.. وقالت له في
لهجة كلها ضعف واستكانة.. شغل شريط فيروز يا رومانسي.. حط الشريط
بسرعة.. وجري بأقصى سرعة وكان هيعمل ميت حادثة.. وانفجرت
أساريرها.. وابتسمت وقالت له مالك يا رومانسي.. إيه اللي ملخبطك
النهاردة.. قال بينه وبين نفسه الرضا والنور يا الله.
وصلوا لكازينو هادئ وجيل فوق هضبة المقطم.. نزلت هي وأبوها.. وقعدوا
قدام بعضهم.. ورومانسي في العربية من بعيد سيزغر ليهم.. وجهه له
الجرسون.. وقال له المدام بتقولك هتشرب إيه.. قال له من اللي هتشرب
منه.. وقعد يبص لها وهي بتترفز على أبوها.. كان نفسه يقوم يهديها.. وقال
ربنا يهديها.



رجع البيت لقي الكل شيطان في بعضه.. جوز أخته ماسك في خناق أخته
والولد الصغير عمال يعيط.. وأمه بتحجز بينهم وتتصرخ.. وماجدة عمالة
تعيط.. ولما سأل.. عرف إن جوز أخته.. رجع وحاول يعاكس ماجدة.. ومراته لما

شافته لامته..لكن هو شيط فيها..وقال لهم..انتم بتجيوا النار جنب
البرين..والآخر تقولوا يا ريت يا ريت..وماجدة صممت ترجع تعيش في
بيت أمها..وأم رومانسي كانت قبلها..راحت وقعدت معاها..ورومانسي بقى
مختار بين الاثنين..هيقعد فين ولا فين..نساب البيت وخرج وراح لدهوله..ولما
اشتكى له من اللي حصل..دهوله قال له..أنا يا بني هاريجك..وافسق على
جوازي منها..وأنا اللي هاسترها..واعززاها..وأخليها ست في بيتها..ورومانسي
قعد فكر وقال هو ده الحل..بس ماجدة هتوافق؟



وراح بالليل بيت ماجدة وفتح أمه في الموضوع..وقالت يا ابني احسن
حاجة نسترها ونبقى خدنا ثوابها..دهوله صنايعي وكسب بعد ما اشترى
محل سمكرة البوابير..وأمه طلبت ماجدة..وعرضت وعليها الموضوع وفرت
من عينيها الدموع..وبصت لرومانسي وذغرت له وقعدت تيرطم بكلام عقد
اللسان اكثر ما هو معقود..ولما رومانسي جه يطبطب عليها..ضربت على
ايده وبرقت له وضغطت على سنائها..وكأنها أسد مفترس هيفترسه..وخاف
على نفسه وجرى من وشها..ولما جت أمه تلومها..شقت هدومها وجريت
على فنتاس الجاز..وكانت هتدلقه على نفسها..والأم بالعافية منعها..
وفهمت لبثها..البت بنتحب ابنها..صعبت عليها بس برضه خايقة من نسلها

يبقوا زيتها..والأم أم وما فيش عندها أغلى من ابنها.



رومانسي راح في ميعاده..لقى الحبيبة طلعت العربية من الجراج..وبتستعد
عشان تطلع بيها..لقت رومانسي في رجليها..بصت له وبرطمت..وقالت
أناخرت ليه..بص في ساعته وقال لها..ده أنا جاي قبل ميعادي بساعة..
زغرت له..قال في نفسه دي ساعة بحالها يا ناس..بس العملية باين عليها
ساعة تروح وساعة تيجي..وطلبت منه يركب جنبها..وهي ساقط بأقصى
سرعة..راح مغمض عينيه وقعد يصرخ..بالراحة يا ست الكل..وهي قعدت
تضحك..وكل ما يصرخ..تسرع أكثر..وراحت مفرمة مرة واحدة..لقى
نفسه لابس في ازاز العربية..نزل من العربية يصرخ ويقول عيني راحت..
وهي فطسانة من الضحك..بص لها وهو غضبان وحاول يمشي وأمره الله..بدل
ما تجننه ولا عمله عاهة مستديمة..وكفاية العاهة اللي في جسمه..لكن عربية
وقفت قدام عربيتها..ونزل منها راجل زي الضلفة وحاول يتحشر
بيها..ويزعق ويقول لها..لازم أردك تاني غصب عنك..ورومانسي جري
ناحيته وبقى زي البرغوت جنب الفيل..وراح متشعبط في حزام
بنطلونه..وينطلون الراجل كان هيقع..وراح شايطه لبعيد ووشه بقى كله
خدوش..وهي مسكت طليقتها من أيديه وعضته..ولما الناس اتلمت انتهى

المطاف بهم في القسم.. وأتحرر محضر جنحة ضده عشان الإصابات اللي في رومانسي.. وخذوا عليه تعهد بعدم التعرض للمحبة مرة ثانية.



رجع رومانسي البيت وهو متخرشم.. دهوله قابله وقال له إيه أنت كنت مبرشم.. واتصدمت في عمود نور.. سابه وهو بيكي في قلبه.. وأمه لما شافته صوت.. وماجدة ولولت.. وقعد حكى لأمه الحكاية.. وقالت له يابني دي باين عليها حداية.. وهتجلب لسك المشاكل.. أكيد كل يوم بسببها هتتشاكل.. أنت مش قدهم.. ارجع اركب العربية بتاعة أخوك.. وربنا يحرسك يا روح أملك وأبوك.



وراح ثاني يوم ووشه كله ميكروكروم وشاش.. وبالوقت ما دراش راح متأخر ساعة.. لقاها قاعدة في العربية.. ومستياه.. وعمالة تبص في الساعة وقلقانة.. وأول ما شافته نزلت من العربية بسرعة وطبطبت عليه وصافحته.. وقالت له تعالى يا أبو الشهامة.. حط ايده على وشه وقال لها.. أبو شامة.. والأتين ضحكوا من قلبهم.. وركب جنبها وسافت العربية بخنية.. ولما لقت ازاة الريجة بتاعته على التابلوه.. مسكتها ورمتها.. وقالت له وداعاً

لربحة الميتين.. وطلعت من شنطتها ازازة برفان رجالي من احدث البرفانات
وقدمتها هدية له.. مسكها وعينه دمعت.. وقال لها بعشم.. كان نفسي أنا اللي
اقدملك الهدية.. يا أحلى حورية.. بصت له بجنينة وقالت اجمل هدية بعننها ليا
ربنا.. أنت يا رومانسي.. وداخ وكان هيموت.. وبعدها فاق لما كملت العبارة
وقالت له.. زي أخ.. تمنيت من الدنيا يونس وحدي.. ويحمل همي ويحامي عني.



وأبوها شكره على اللي عمله.. وحاول يديله مكافأة كبيرة.. لكنه رفض وقال
له.. أنا أضحي بعمرى عشائنا.. بص له الأب واستغرب.. وقال له يا سلام ليه
يا خويا؟.. رومانسي اتلخبط وماعرفش يرد.. لكن ربنا ألهمه وقال له.. دي
لقمة عيش ولازم أحافظ عليها.. وهي.. زي.. أختي.. ده لو حضرتك تواضعت
وسمحت لي.. قال له ونعم الأخ يا رومانسي.. تاريخك مشرف ويشهد بأنك
شهم على طول الزمان.. وخد بالك منها وراعيها واستحملها.. رومانسي
غمض عينه وهو هيمان وقال له من عينيا يا غمي.
وروح الحنة آخر فرشة.. وحس بشعور جديد ناحيتها.. بقت الأخت
والحبيبة.. لكن بسرعة وشه اتقلب لما سمع صوات ناحية بينهم.. قال أكيد
أمي جرى لها حاجة.. لكن لقاهها هي اللي بتصوت وعرف إن أخوه مات في
الخارج.. والجثمان هيوصل بعد يومين.



وراحوا المطار يقابلوا الجثمان للأخ اللي اتحرموا من رؤيته طول الزمان.. ولما رومانسي قرا التقرير الطبي اللي جاي من السفارة.. عرف انه مات بالسكتة القلبية في الأسر.. ودماعه شطحت إيه اللي وداه الأسر.. يبقى أكيد دخل الحزب.. بس الحرب بين مين ومين وهو في دولة عربية.. ده مصري وأدى خدمته العسكرية في بلده.. إيه الحكاية يا خلق هو.. الناس ترد عليه وتقول وحدوه.. وراح الأخ الكبير من غير تعليق.

وقعد في المسجد حزين.. ويدعي ربنا أن يغفر لأخوه ويرحمه.. وسأل شيخ الجامع إذا كان مات شهيد.. ولا مات فطيس.. الشيخ يقول له كل غريب مات بره بلده وهو غريب.. يعتبر شهيد.. وقعد أيام ورا أيام.. ودقسه طولت وجسمه قصر أكثر ما هو قصير ورفع أكثر ما هو رفيع.. ويدعي ويقول يارب احمي واحرس ولاد بلدنا الشقيانين.. اللي يسافروا عشان يجيوا لقمة العيش ويقبوا مطحونين.. وساعات محسودين.. وعلى إيه محسودين.. وليه يجسدوا الأعمى على وسع عينيه؟

وهام على وجهه.. واليأس اتملكه.. وخد بعضه وراح على النيل.. عشان يرمي همومه فيه.. وذكريات أخوه شاغلة باله.. كان الأخ الكبير الحنين.. والدموع نزلت من عينه غصب عنه.. ولقى شيخ الصيادين إمام المسجد اللي كان في بورسعيد.. راكب مع أخوه في قارب بيصطادوا من النيل.. وشويه والمركب طارت في السما والشبكة فيها متعلقة وفيها سمك أشكال وألوان.. ومسح دموعه.. وقال الله اكبر.. مع الشهداء والأبرار يا خويا يا ابن أمي وأبويا.



بعد أسبوع راح للحبيبة..لقاها برضه مستتية في العربية..ولامته على غيابيه..
ولما حكى لها على اللي صابه..بكت بدمع العين..واستغربت إن فيه ناس في
الدنيا ماهاش أي قيمة..وكانت فاكرة انهم عايشين زيبا ولهم قيمة..وخذته
وعزمته على السيمة..وبقى قاعد جنبها وكنفه في كتفها..لكن هو بالنسبة لها
مش اكر من سواق غلبان بتعطف عليه..وبتواسيه على اللي هو فيه..واتاريه..
اتشعبط فيها اكر..وماعدش مستكر إنها ممكن تحبه زي ما هو بيحبها..وليله
ونهاره..أحلام نومه..وأحلام يقظته..هي اللي قدامه..أمل بيعيش بيه وعليه.



قرا في الجرنان حركة تنقلات وترقيات طباط الشرطة..ولما وقع نظره على
اسم الطباط مخلص..وعرف انه اترقى وانتقل مباحث القاهرة..طار عليه
يهنيه ويبارك له ومعاه في أيده وردة بيضا..وفي ايده الثانية نجمة ذهب..يحطها
جنب النسر اللي منور أكتافه..ومخلص باسه وحضنه ورحب بيه وعرض
عليه خدماته..ورومانسي ما يتمناش اكر من مستقبل مشرق ودوام الترقية
لطباط مخلص..اسمه مخلص..وجم أصحابه من الطباط وبصوا لرومانسي في
استفسار..قال لهم ده الفارس المغوار اللي كرمه الوزير في عيد الشرطة..
راجل مخلص وأمين وكلهم صافحوه وحيوه.



كان يوم شاق والجو برد.. وصلها للكلية واستناها.. بعد ما خرجت راحت مع واحدة صاحبها بيتها.. وقعدت ثلث ساعات.. وهو قعد قلقان.. قعد يدخل ويخرج من العربية.. من جو التكييف الساخن لجو البرد القارس.. وفجأة حس بألم شديد في جنبه.. مكان الكلية المستأصلة.. قعد ضاغط على نفسه.. ولما نزلت لقت وشه متغير.. والعرق نازل من وشه في عز البرد.. سأله مالك يا رومانسي.. قال لها ما فيش حاجة.. وركب العربية وركبت جنبه.. لكن ماعرفش يسوق وصرخ من الألم.. حست انه تعبان.. نقلته لمكانها بصعوبة وسأقت العربية بسرعة وراحت مستشفى خاص كانت بتعالج فيه لما كانت تعبان.. حجزت له اوضة خاصة.. ودفعت المقدم ألف جنيه واتصلت بأبوها.. التي جه بسرعة هو كمان.. والدفع ناحيته وسأل الدكاترة.. قالوا له عنده التهاب حاد في الكلية.. لكن قال لهم إن له كلية متشالة على اثر عملية.. وحجزوه في العناية المركزة.. والأب جرى على الطابيط مخلص.. عشان يعرف عنوانه.



عرف العنوان وراح لأهله التي قابلوه بالصوات.. الراجل خاف وجرى من قدامهم.. ولموا بعضهم.. وخدمهم جوز أخته في العربية وطيران على

المستشفى..الأم رقت ميت صوت..لكن الأمن حذرهما من الدخول..لـ
صوت ثاني..وجوز أخته وأخته قعدوا يصبوا للمستشفى في عجب..معقول
المستشفى دي في بلدنا..أمال مستشفى بولا ق دي تبقى إيه..طابونة ولا
سلخانة ولا مقابر للميتين..ولما دخلوا لقوا الحبيبة بتكي..أمه سلمت
عليها..وأخته بصت لها باستغراب..بقى معقول الملاك ده بيعط على
رومانسي..وماجدة كلتها الغيرة..وبصت لهدومها وهدوم الحبيبة وكان
نفسها الأرض تنشق وتبلغها..وخصوصاً لما حسنت إن رومانسي بغيرها
مشغول..واللي شغلته تستحق..والحبيبة بلغت أمه إنها ممكن تبات معاه
كمراقب في المستشفى..شكرتها وكانت هتبوس ايديها..لكن بسرعة
سحبها..ومشيت وهي مكسورة..بتقدم رجلها الأولى وتأخر الثانية..وماجدة
بكت في قلبها ونذبت حظها..لكنها سرحت وفكرت..ورروحت مع جوز
أخته وأخته..وأخته سابه وراحت تبات مع ماجدة..اللي قعدت سهرانة
طول الليل تفكر ازاى تكون زي لى..اللي هتخطف منها رومانسي حبيبها.



ثاني يوم الصبح خدت ماجدة تاكسي لوحدها..وراحت المستشفى ودخلت
على رومانسي لاقته لاي..وأمه فتحت عينيها وسألته عاوزه حاجة يا
هانم..لاقيتها ماجدة بتضحك لها وتشاور لها..لابسة فستان على آخر موضة..

اشترته من محلات وسط البلد..بتحوشة العمر اللي كانت عندها تحت سرير
أمها..وحاطة برفان من أغلى الأنواع..وجزمة كعب عالي بصموبة ظبطت
فيها مشيتها..وشوية وجت الحبيبة وبصت لها بإعجاب واستغربت..بقى
رومانسي المتراضع له قرايب بالجمال ده والشياكة دي.
ولمى حاولت تكلم ماجدة عشان تتعرف عليها..وماجدة اتلخبطت..لما لقيت
شفايف لمى بتكلم..هي فاهمة لكن مش سامعة ومش عارلة ترد..ورومانسي
بص لماجدة بعطف وحنية..لكن البنية بكيت وخسدت بعضها ومشيت..
وراحت على البيت..وقلعت الهدوم ورمتها على الأرض وداست عليها
برجليها..وقالت في نفسها..رومانسي معذور عشان بيحبها..والحب عاوز
كلام وملاعبة..وحب العين والقلب بس ما يكفوش..دورتي على اللي بتحبيه
يا ماجدة..وبعد ما لاقيتيه رجعتي ما لاقيتوش.



ورومانسي طلع من المستشفى..ورجع تاني بسوق العربية..وماجدة بتعامله
بحنية..وجابت له طقم جيل شيك عشان بعش زي شباب الأيام دي..وهو
بيها بيتعلق أكثر..نفسه يصارحها ويقولها إنها الحاجة الوحيدة الحلوة اللي في
حياته..بس عشان هو يعرف ربنا ويتقيه..دأبما يطلب منه يتجيه..وخصوصاً
إن مستواها في العلالي..وهو في حياها ما يقدرش غير إن يغني ويلالي.

وراح معاها الكلية واستناها..لقاها خارجة مع شاب زي القمر..وساين عليه
من عيلة كبيرة..ركبت ورا وهو ركب جنبها..وقعدوا يتكلموا
بالإنجليزي..ورومانسي وشه اتغير وبقي ميت لون ولون والآخسر وصلت
الشاب لحد بيته وسلمت عليه..وقالت له هابقى أكلمك في التليفون بالليل.
ورجع رومانسي البيت..وشاف في لينته الويل..الغيرة كلت قلبه ونحسرت في
كل جسمه..وفضل طول الليل سهران لحد الفجر لما أذن..وقام واتوضا
وصلى في الجامع..وكان لصوت الأذان مش سامع..ويقول أعوذ بالله من
الشیطان الرجیم.



راح ثاني يوم وبوزه شيرين..بصت له وسألته مالك..ما رضىش يرد
عليها..ضحكت وقالت له لازم زعلان مني..قال لها من غير تفكير..ايوه
زعلان منك..ولما سأله عن سبب الزعل رجع مد بوزه ثاني..فقلت له أنت
حر..قال بين نفسه ابوة أنا حر..وما أقبلش إن حد ثاني يدخل حياتك.
وصلوا الجامعة..نزلت ولقي صاحبنا واقف لها قدام باب الجامعة..والبرفان
اللي حاطه موصل لميدان التحرير..سلمت عليه ومسك ايديها ودخلوا
الكلية وحس إن عينه الجوالية سقطت منه..وقرر بينه وبين نفسه انه يخلع
من الشغلانة اللي هتحرق دمه..وكفاية يرجع يحبسها حب زمان..حب
الولهان..من غير أمل ولا مستقبل ولا أمان.

وبعد ما خرجت من الكلية..لقاها بتسلم عليه وفي ايدها مجلة..خداقسا
منه..ودخلت العربية وركبت ورا..وقعدت تصفح المجلة الأجنبية..اللي فيها
موديلات مايوهات الصيف..ودماغه راحت ليعيد..والفكر إنها مجلة من اللي
منتشرة بين الشباب والعلماء في هذا الزمان..لكن دي ست..هتحتاج مجلة
زي دي ليه.

ووصلها لحد البيت من غير ما يتكلم..وقال لها انه عاوز بكرة اجازة..قالت
له بدون اهتمام..اركي..تقدر تاخذ اجازة أسبوع..وطلعت البيت..وفرت
الدموع من عينيه وحس انه كان في وهم ولازم يفوق منه.



وقعد في البيت واكتب..ودقنه طولت..ولما آخته وجوزها يسألوه..يقول
العوض على الله وحده..وخد بعضه وراح يشوف أمه عند بيت ماجدة..لقى
ماجدة هي كمان بتقابلته بفتور..بص لها وقال لنفسه..هي الدنيا كده..اللي
تحبه يبعد عنك واللي يحبك تبعد عنه..لكن ده أمر القلوب..ما فيش حاجة
توجهها..لا اشارة مرور ولا لاسلكي ولا حتى ريموت كنترول..القلب ده
حاجة غريبة في الجسم..رغم انه بيحرك كل الجسم..لكن المشاعر بتخليه ما
يساويش حاجة..ويبقى اقل جزء في الجسم.

ولما أمه شافته حضنته وباسته..وسألته عن دقنه اللي مريها..بكى واترمى في
حضنها..وماجدة تبص له في غيظ..وكأنها عاوزة تقول له اشرب..ما هو اللي



وفكر انه بروح لها ثاني ويقول لها انه مش عاوز الاجازة وكفاية اليومين اللي
خدمهم.. لكن عرف من البواب انما سافرت هي وأبوها الإسكندرية يغيروا
جو قبل امتحاناتنا اللي قربت.. وكان أبوها سايب ثمرة تليفون الاوتيل اللي
نازلين فيه.. خده منه وراح على إسكندرية.. وراح الاوتيل.. لقي العربية واقفة
قدام الباب.. بقت الدنيا مش سايعاه.. وفكر يحش الفندق.. بس هيقول لهم
إيه.. وما فيش حش دقايق.. ولقي صاحبنا اللي عرف إن اسمه تامر.. نازل من
عربية أجرة وداخل الفندق.. وشه احمر وماغه طقت وعينه طلعت
شرار.. وقال البت دي فعلاً جنية من الأشرار.. ورجع مصر على ملا وشه
بالليل.





راح للدهولة.. يحكي له.. ودهولة يسمع منه على إلها جو متعلق بيده.. وقعد
يديله نصايح ازاي يشنكلها زي ما هي شكنته.. وطالما هي متعلقة وبواحد
تاني متعلقة يبقى لازم هو يفوز بيها.. وقال له هفضل طول عمرك
شيطان.. ودهولة قال له وأنت هفضل طول عمرك غلبان.. في زمن ما يعيش
فيه من الغلمان إلا العيال المطققة السوبر مان.



ويوم يمر يوم.. ومين عليه اللوم.. قلبه اللي حبتها.. ولا حالها اللي هي عليه وما
كانش لما ذنب فيه.. لسه صغيرة وتقابل مشاكل في أول حياتها الزوجية.. من
حقها تعيش وتحب اللي في سنها أو على الأقل اللي منه مقارب لها.. وهو
عمره ما هيلق لها.. لا شكله ولا منظره.. ولا فقره ولا ضيق مستقبله.. البعد
عنها أكبر غنمة.. هو إنسان وله إحساس.. هيفضل يتعذب بحبتها وقلبها متعلق
بغيره.

وأسبوع جر أسبوع.. قال خلاص نسيت.. وراح لأستاذه عطية.. وعزف لحسن
حزين.. حرك فيه الشكوى والألين والدموع تنسل همومه.. لكن همومه
بتزيد.. مش قادر يبقى بعيد.. هي عنيدة وهو عنيد.. هي الحبيبة وهو مش أكثر
من سواق عندها.. ولما حب يبقى حاجة في حياتها زاد عندها.. يا ترى يدوس

على كرامته وكفائة انه يتحمل عذاب قرىما اكثر من عذاب بعدها.



وجه ابوها يسأل عليه.. وما كانش موجود.. جوز اخته قابله بالترحاب.. لكن
الراجل من على الباب.. قال لهم انه عاوزه يرجع لشغله ضروري.. وغى
بتسأل وقالبة الدنيا عليه.. ولما جه بالليل.. وعرف.. كان نفسه يروح لها..
لكن الوقت متأخر.. وقعد طول الليل يفكر.. يا ترى هسي مالت إليه.. ولا
العودت عليه.. سواي يريحها ويمسوق على مزاجها.. وطلع عليه النهار وهو
سهران زي الزينهار.. وقال هنتدي لعبة القبط والفار.. وراح صلى الفجيرة
زي عادته.. وطلب من ربه يحن قلبها عليه.. مش عاوز يمسي نفسه بأمل إنما
تكون له.. كل اللي عاوزه إنما ما تشغلش بحد.. ومش مهم تشغل بيه..
والحب الصادق ساعات يتحكمه الأناية.



وراح ثاني يوم المغربية.. ما لقاش العربية.. سأل البواب.. قال له كانت مديها
لواحد معاها في الكلية.. عمل بيها حادثة.. وجاب شبايكها وأبوها
ودولها.. وقعد مستني لحد ما نزلت ولما شافته رحبت بيه.. وهو لا بيه ولا
عليه.. وعلى لد ما كان لرحان.. ما كانش عايز يبص في وشها.. بعد العربية

اللي كان بيعجها.. وراحت عشان حبيب قلبها تامر.. وطلبت منه يوقسف لها
 تاكسي.. ولما وقف لها التاكسي.. ركبت وفاكر انه هيرجع مطرح ما
 كان.. لكن.. طلبت منه يركب جنبها.. والقلوب الصادقة إيه ذنبها.. لما تتعذب
 بحب من غير هدف.. وعطرها اللي بقى ارتباط شرطي بيها.. دوخه.. ووداه
 عالم من الأحلام والخيال.. وأول مرة عينه تجبره انه يبص على جسمها.. سيقان
 من مرمر باينة من الميني حبيب.. أول مرة يحس انه قدام أنثى فاتتته.. حركت
 فيه حاجات عمرها ما تحركت وحس إن الشيطان غوايته قريبت.. دور وشه
 الناحية الثانية.. وقعدت تتكلم معاه في مواضيع كتيرة.. وعن سبب بعاده المرة
 دي.. كان نفسه يقول لها.. أنا مش دمية تحطيسها في بربريز العربية.. ده أنا
 روح وجسد.. أنا بشر مش ملاك.. ببشر كرس نفسه وحياته في معبد
 جها.. وكان نفسه يقول لها عن اللي مداريه عنها.



طلبت منه يستأها.. لحد ما وصلت لحد بيت واحدة صاحبتها.. قعدت تلت
 ساعات وهو قعد على القهوة يشرب كل المشروبات شاي وحلبة
 وموغات.. وعزت عليه نفسه.. هو ايه يشتغل مراسلة عندها.. وبعد شوية
 جاله واحد.. وقال له أنا الشغال عند الست إقبال.. والست فنى عاوزاك
 عندها.. عشان فيه حفلة ويمكن تتأخر.. وبقي متردد يطلع ولا يحترم نفسه

ويروح.

وكانه مسلوب الإرادة.. طلع.. وتفاجأ إن كل الضيوف.. شباب وبنات رجالة
وستات يقابلوه بالترحاب.. ويقولوا له أنفضل يا بطل.. اتاريها حكيت لهم
عنه.. والحفلة ابتدأت بالرقص.. اللي حرق دمه.. لما لاقاها بترقص مع شاب..
زي اللهلوبة.. جسمه اسنك ووسطه بلاستيك.. عالم غريب عليه.. أول مرة
يشوفه في الحقيقة مش في الأحلام.. لكن اللي صيره إن تامر ما كانش من
المدعويين.



والساعة بقت ثلاثة الفجرية.. نزلوا من البيت.. ألفت من عزم عليها يوصلها
بالعربية.. لكن هي مصممة ترجع مع رومانسي في تاكسي.. وركبوا مع بعض
ووصلها لحد البيت.. وسلم عليها عشان يروح.. لكن طلبت منه انه يوصلها
الشقة.. عشان والدها ممكن يعاينها.. والغريب انه لما طلع معاها.. لقى أبوها
مزرجن عشان تأخرت ومن غير ما تقول له راجعة فين.. لكن لما شاف
رومانسي بقي هادي.. وقال لها أنا كده اطمنت.. وعزم على رومانسي يدخل
الشقة.. ولما دخل انههر بيها ويديكوراقما.. ودماغه لفت.. افنكر بينهم.. وقال
البلد اغلب أهلها مدفونين وهما عايشين.. وبعد شوية خرجت لابس قميص
نوم.. شافها تاه وكبس عليه النوم.. وقال دي إنسية ولا جنية ولا حورية من
الجنة.. وحضرت له عشان سجين وقال هيروح فين.. والمعدة مليانة وشبعانة.. ونزل
من البيت وش الصبحية وروح على بيتهم.. وقعد يتخبط بأيديه الاتنين وكان اللي

(٦٦)

جود أموات ولسة ما قامتش قيامتهم..خذ ما صحي غيسوي حوز أحنه
وفتح الباب..وقعد بفعش في عيبه ركان هيشك فيه..ورومانسي دخل على
فرشته ورمى جته..وشخيره جاب آخر الحارة وألف خسارة صلاة النحر
راحت عليه.



خد بعضه ثاني يوم وراح للورشة التي بتصلح العربية..وناول الصنايعي علبه
سجاير وقال له اصطباحك حنية..اخلص يا عم وخلصنا..رقدة العربية
موقفة حائنا..وخذ كرسي وقعد جنبه..وقعد يفكر..ازاي الناس دي عابسة
حياة غير حياتنا..ازاي تطلع بقميص نوم ندامي..وأبوها ما اتكلمش..أكيد
الأمر دي عادية بالنسبة للناس دي..حما اللي صح ولا إحنا اللي
غلط..الراجل صحيح واثق فيا ركان البية..بس إحنا اتعلمنا إن الليوت
حرمنا.

الراجل الميكانيكي خلص العربية وسلمها له..عشان يوديها عند
السكري..وبعد كده حترج لبتاع الدوكو..شغلانة وعطلة سبها لاسي
تامر..ويا ترى تامر ده إيه في حياها..يا ترى حاجة عادية..زي ما اعتبرت
وجودي في بيتهم حاجة عادية.



وهذه الشوق يروح للنظاظ مخلص.. وحشه.. راح لافاد مشغول في قصبة..
 بنت رمت بلاها على شاب.. انه اعتدى عليها.. والشاب يقسم أيماناً بالله..
 انه ما قرب لها.. واللي خلا رومانسي يستغرب إن البنت من حنة شعبية
 وتعرف الأصول.. بقى معقول تلتطخ سمعتها.. وتسيء لعلتها.
 بعد ما مخلص خلص التحقن.. ورومانسي بقى في عرقه زي العريس.. وكأنه
 بنت اتجرحت مشاعره.. ومخلص رحب بيه.. ورومانسي سأله وقال له من غير
 فضول.. إيه الحكاية يا باشا.. مخلص قال له انت عايش في دنيا غير الدنيا يا
 رومانسي.. المبادئ والقيم.. معجونة بيها شخصيتك.. وشغلة المباحث دي
 بتكشف لنا المستخفي.. مع إن الزمن ده ما عدتش حد فيه بيخي.
 رومانسي افكر في.. لما قعدت قدامه بقميص النوم.. قال ده العملية باين
 عليها ملخطة.. في الأحياء الراقية والشعبية كمان.. ومخلص أكد له إن الولد
 ده مظلوم.. والبنت جرحته وراها.. خد ما اتعلق بيها.. والناس على قصصهم
 مع بعض شاهدين.. يا رب استر على ولايانا.. ورومانسي سكت وقال في
 نفسه.. باين على وشنا بقى زي قفانا.



راح الررشة وخد العربية.. قعد بيوس فيها ويقول لها وحشتيني.. يا عشرة
 أيامي وسيني.. اجمل أيام عمري فتيتني فيكي ونفسي اراضيك.. وهابشري

حلمة وحيلة وأعنفها فيكي..ولو الواد تامر قرب ناحيتك..هافطعه حتت..
زي ما قضعك..وحرمني منك..وهو ماشي سمع شريط جديد لماجة
الرومي..ركن وراح اشتراه وحطه في الكاسيت..وقعد بسمعه..وقال انني
فين من زمان يا عصفورة الزمان..كلامك اجمل الألحان..بلغيا رسالتي على
صوتك يمكن نحن عليا..ونعس بيا شوية..وبعد كده راح البيت لقي أبو نسي
واقف بيوقف تآكسي..لحقه..وركه وقال أول استفتاحنا نادي يا باشا..
ضحك وقال نه..انت دائما المنفذ يا رومانسي..اصل العريسة فسي خدنا
وخطبتنا..قال استر يا ستار..هنعيد ثاني اللفة والمشوار..سمكرة ودو كور..
ارحمونا يا صنايعية وحياة أبوكم..والراجل حط ايده في جيبه وأداله ألف جيبه
ومعاهم متين..والألف تحت حساب الإصلاح..والمتين مصاريفه وهو يصلح
العربية.



وبعد ما وصل الرجال ووداه وجابه..روح..وخذ صنتين بسوسة..واحدة
لأخته وعيسوي وابن أخته..واحدة لأمه وماجة..ووصل الصنية بتاعة
أخته اللي قعدت تدعيه وتقول له..ربنا يوسعها عليك ويكفيك شر الأذية
وقرصة الجنية..ضحك وقال..جنية..ده أنا واد جن يا أختي..وطلع على بيت
ماجة وخط على الباب طلعت له أمه..ولسه عاوز يحش..منعه وقالت
استنى لما البنية تستر نفسها..وتغير قميص نومها وتلبس الجلالية..ضحك

وقال سبحانه الله..ناس وناس..وإدى لأمة الصيبة..وظلعت له ماجدة
وسلمت عليه..والشوق في عنيها وهو السوم في عيه..وأمة دعت له
وقالت..ربنا يوسعها عليك ويكتيك شر الأذية وقرصة الجية..مات على
روحه من الضحك..وقال إيه حكاية الجية معاكم يا أهلي يا حبايب..وهساني
حنة بسوسة يا أما ولا أنا ما ليش من الحظ نايب.



راح ثاني يوم الصبح..البواب بلغه إنما راحت الكلية..وقالت لما يجي
رومانسي..يبقى يحصلها على الكلية..وخد بعضه وراح على الكلية وهو كله
شوق يشوفها..ولما وصل هناك اتركن زي كل مرة تلت ساعات..ولما طلعت
من الكلية..ابتسم وعدل هدومه وراح مشغل شريط ماجدة
الرومي..لكن..لقتي تامر جاي وراها..ومسك ايديها..وراحوا يركبوا تاكسي
مع بعض..الدم غلي في عروقه وكان هيغمى عليه..منظر صدمه واتنى انه
يكون بيحلم أو بيتخيل..لكن الحقيقة كانت أقوى من الخيال..ورمى نفسه
في العربية والدموع نزلت من عينيه زي الشلال..وظلع بالعربية زي الجنون..
وراح وركن العربية جنب بيتهم..وجرجر رجله بالعافيسة..كانت هتجيله
الكافية..لولا انه استعاذ بالله من الشيطان الرجيم..وراح جامع حتتهم يصلّي
والدموع نازلة من عينيه..وقعد في الجامع من صلاة الضهر خد صلاة
العشاء..يقول بينه وبين نفسه إنما طلعت صحيح شيطانة..يا ريت ما كانش



رجع بيتهم بالليل وهو مكسور..بقى زي الراجل المحسوز في يوم واحد..
ولما أخته وجوزها سألوه عن حالته..بص لهم في ذهول وقعد بعبط..وكانوا
فاكرين إن أمه جralها حاجة..ولما طمنهم إن أمهم بخير..رمى نفسه على
فرشته..ودموعه كانت حنفة مفتوحة وغرقت فرشته.

ورجع ليله بقى طويل..أحلام وكوابيس..وهو وهي واقفين وسط نار مولعة
والناس مملومة حواليلهم..بتفزع عليهم..وجه الشيخ الصياد الطيب ومد
له ايده..وقال له النار شيطان..وانت يا بني ملاك..تعالى معايا على طريق
النجاة..ومش كل واحد يبلغ مناه..ما تظلمهاش ولا تظلم نفسك..اللي كان
في نفسها ونفسك..اللي ما كانش من حنك ولا من حنكها..ابعد عنها
..ابعد عنها.

وقام من النوم قبل الفجيرة..سمع البياعين اللي كان يتوهم إنه يسمعهم..
وقال في نفسه..انتم طلعتم وهم..ومشما تسادوا ووداني تسمعكم..مش
هاصدق وجودكم حتى لو شفتكم بعيني..زي ما هي طلعت حلم
كذاب..هيوديني لطريق خراب..وقام اتوضى واستغفر ربه..وطلع على جامع
حتهم..صلى وقعد يدعي إن ربنا يخرجها من قلبه وعقله..وقال بابنها كانت
زي الحاجات اللي بانوهم اني بأشوفها..يا ريتها كانت وهم مش حقيقة..ويا

خسارة على كل دقيقة..فكرت فيها.
ورجع تاني يربي دقنه..واستعوض الله على الشغلانة اللي تكون معادها
..وربنا يعوضه عنها خير.



راح لأستاذة عطية ورمى همومه عنده..حكاية وشكالة وعطية يأنبه ويكس
فيه ولما يصعب عليه يسك العود ويفنيه أغنية محمد عبد الوهاب "ليه يا
عين دمعك سال" ودموع رومانسي زي الشلال..وقاله إوعى تكون نجيب
الريحاني هيبقى بكاك طول العمر وتقول آه يا بي..حك يا رومانسي من
طرف واحد والخلوة قلبها جاحد ولسة متعلق بيها ويتعاند ورومانسي يقول
للكل كنت بأشكي ولين تاني هأشكي..وراح لأمه وحكا لها والأم حزنست
على حزنه وقالت له يا بني دي مش سكتك..عاوز منها إيه تاني بعد
ما خدعتك وسكتك..وماجدة واقفة ورا الباب..صحيح مش سامعة..لكن
قلبها سامع وحاسة بالحزن اللي باين على شفايفه..كانت نفسها ما تبقاش
خرسا ولسانها بأعلى صوت يلومه وتقول له أنا اللي حبيتك من قلبي وكل
جوارحي والآخر تحب غيري وتجرحني..إيه اللي مخليك متمسك بيها..فهمني
إيه الموضوع بعد ما نزلت من عنيك الدموع وهزت رجلك وضعفت
كيانك..عاوز منها إيه تاني يا أناني وبكت من قلبها لما اتأكدت إن المرة دي

ضاح منها.

ومن ثاني رجع أبوها يسأل عليه..وقابل جوز أخته واتحابل عليه..عشان يخليه يرجع الشغل ثاني.

ولما جه رومانسي بلغه..صعبان عليه الراجل اللي كرمه..ده معرفة أعز الحباب..الضابط مصلح..وبقى بين تارين يرجع يشوف شغله وبساكل عيش وخلاص..وينسى حتى إفا راكية جنبه..جنبه اللي راحت منه كبته..ذي بقت حياته وسلوته..وقرر إنه يروح يشوفها لآخر مرة..وراح قبلها بساعتين خد ما يجي الميعاد مع دهنولة على قبوة حبيبهم..ولما دهنولة سمع حكايته وروايته صعب عليه..وقاله دي جنية..من اللي يطلعوا في كل زمان..يلخطوا حال الإنسان..وعزمه على واحد شاي مضبوط..وقام اتوكل على الله..وأول ما وصل العمارة لقي البواب يقول له خير زي القنسة..ففى تتخطب لتامر..وما حش بنفسه وكان صاعقة خطف عقله وقعد على عتبة الباب مش عارف يرد من فوق ولا من تحت..وبعد شوية نزلت وركت ورا..سألته عن صحته وعن سب انقطاعه الفترة اللي فاتت دي..ولكن ما نطقش بكلمة واحدة..بصت له باستغراب وسألته مرة ثانية فيه إيه يا رومانسي..قالها من تحت ضرسه..تعبان شوية..وبالفعل ما فيش خمس دقائق وحس؟إن عنيه مزغللة ودماغه مش موزونة وابتدى يمشي بالراحة..وهي مراقباه ومستغربة..ووصلت العربية ميدان التحرير..الدنيا زحمة والعربات كتير..وهو كمان شافها أكثر..لما العربية بقت قدامه اتنين..واقباله إن الحبيب نور العين

قاعد جنبها وأول مرة يئس ويدقق في جسمها.. كانت لابسة جينة قصيرة.. وقف العربية في عز الزحمة وهي مستغربة.. والعريبات عمالة تضرب سراين وهو مش سائل.. وصورة تامر انجست قدام عينه وهو قاعد جنبها.. صرخ في هيتريا وقالها لا يمكن ياخذك مني.. وفتح باب العربية عشان يزلله من جنبها.. صرخت بأعلى صوتها وافتكرت إنه عاوز يؤذيها.. وخس دقائق مش أكثر والدنيا انقلبت والناس عليهم كمست ومكروه وضربوه لحد ما أغمى عليه وأول ما جت عريسة النجدة التماس كلنا في نفس واحد قالت.. كان عاوز يعتدي علينا.. وهي قالت بأعلى صوتها لأ.. ما حصلش.



نقلوه على المستشفى وخذوها على القسم.. والطابط يقولها إن الناس كلها اجعت إنه كان عاوز يعتدي عليك.. وهي تصرخ وتقول ما حصلش.. ده السواق بتاعني وعمره ماعمل حاجة غلط.. ده أكثر من أخويا لكن الشهود واقفين بالعشرات وكلهم عاوزين يشهدوا إنه اتعدى عليها.. وطلبت أبوها بالتليفون وجه بسرعة ومش مصدق اللي حصل.. وهو كمان أكد للطابط إنه لا يمكن يحصل منه حاجة زي كده.. ويؤكد إنه زي أخوها وأكثر كمان.. لكن الطابط كان مضطر يعمل محضر بالواقعة اللي جاله بلاغها من النجدة وبقت قضية رأي عام.

ورومانسي في المستشفى بين الحياة والموت.. والمصيبة انهم اكتشفوا انه واخذ
مخدر.. ومين جاله المخدر؟! أمه وأخته وجوز أخته وعطية أستاذة يضربوا
كف على كف.. ازاي الكلام ده حصل.. ده شاب يعرف ربنا وعمره ما
صدرت منه العيبة.

الصحافة.. الإعلام.. تناولا القضية بشكل فرضه الرأي العام.. والمانشيتات
تصدر الصحف القومية.. التحرش بأنثى في عز الزحام.. والجرايم الصغراء
بدأت في الأول فحاجه.. مخدوه يتحرش بمخدومه.. ثم تغيرت الليحة
فأصبحت.. بنات الأحياء الراقية سافرات.. أوقعن بأنساء الأحياء النعية
اغرومين.. ثم عناوين أخرى كثيرة.. مثل عدم قدرة الشاب على الزواج
يدفعهم للرذيلة.. مجتمع التسعينات فرض تغيرات كثيرة على علاقة الشاب
من الجنسين.

وصل اخبر للطباط مخلص اللي جري على المستشفى.. وبس لرومانسي لقاه
بيعط وقال له أنا تمسك هاسألك وأقول لك أنت عمنت كده ليه.. لكن
هاسألك وأقول لك إيه اللي حطتك في الموقف ده لكن رومانسي ما
علقش.. بدأت الناس تسأله.. وهو ما فيش على لسانه غير انه ما يعرفش إيه
اللي حصل.. واللي فاكده انه كان دايم وشاف رؤية عين تامر قاعد
جنبها.. وبدأت التساؤلات مين تامر؟ وانتهى الأمر انه كان بيحبها وعاوز
يحميها من خطر تصوره بخياله.

المخدر.. من أين أتى له.. وهل هو مدمن.. التحريكات أكدت انه إنسان
متدين.. وببشي الله.. وليس له أي سابقة في هذا الخصوص أو غيره.. وقدمت

أسرته.. شهادة البطولة.. اللي لطخها الحادث اللي افترض عليه.. الناس بتعمل
من الحبة قبة خصوصاً وأنه كان فيه حادثة شباب في أتوبيس في ميدان العتبة
والدنيا وقتها قامت ما قعدت.. الشعب بتاعنا طيب وغلبان ولكن من
الضغوط اللي عليه بنفس دائماً عنها بعدم الثقة في أي حاجة.. حتى في نفسه
وأولاده والمخيطين به.. وناس ثانية تقول إن الناس بتحب تشمت في الفضائح
.. خصوصاً إن البنت من طبقة راقية.. محسودة.. ومحقود عليها.



القضية غير مكتملة الأركان القانونية.. لكنها قضية رأي عام.. ما فيش حاجة
تؤكد انه اعتدى عليها.. أو انه حاول.. ولو كان عاوز كان خدها في مكان
ناهي بعيد عن عيون الناس.. لكن المخدر.. اللي حوله من ملاك إلى شيطان..
يادي المصيبة على المخدرات اللي وحلت حياة الشباب.. على كافة
المستويات.. لكن هو بريء من تعاطيه بمخاطره.. ده كلام اتخامي الذي يبدافع
عنه.. أبوها وكل محامي كمان.. مش عشان يثبت التهمة عليه.. لكن إبعادها
عنه.. لأنه مقتنع بأنه انه إنسان كويس وكمان دي سمعة بنته.
اتين محامين.. كانوا يبدافعوا عن رومانسي.. محامي وكمان محامي نفسى.. قضية
شكلها غريب.. محامي الجنى عليه ومحامي الجاني يبدافعوا عن الجاني.



أمه..فضولها دلفها إنما تقول من خوفها على ابنها ومن جهلها إنما مت
مطلقة وكانت بتجيب له هدايا عشان يجاريها..كلام صعب ويمكن يفتح
للقضية أبواب..رومانسي في غنى عنها.
وماجدة ولقت قدام وكيل النيابة تشاور بإيدها وتؤكد إن نفس هي اللي
وصلته لكده..ويقول يا دي الليلة..جيتك يا عبد المعين عشان تعيني..
كلامك هيطيعني ويفقدني ووكيل النيابة ماكنش قدامه غير إنه يجسه أربع
أيام..القضية قضية رأي عام..وكيفها تكييف قانوني مؤقت إنما شروع في
الاعتداء على أنثى..والمصيبة إن القانون يشدد العقوبة في حالة الحادام لما
يعتدى على مخدومه..لأنه سواق عندها.



في السجن بقى متدهول مش عارف يقول حاجة غير انه..يذكر كلام من
كتابه العزيز..ويدعي ربه انه يلك كربسه..ونام وجاله في المنام الشيخ
الصيد..يؤكد له إنما أزمة وتهدي..بس لاهه لما ساب قلبه على هواه..يجب
اللي عمرها ما هتبقى متنهاه..ورومانسي يقول له مين يقدر يحط قفل على
قلبه ويقفله قدام حب فرض نفسه عليه..هو بشر وعمره ما صدرت منه
العيبة وإذا كان الحب عيبة..ربنا يخرجها من قلبه إلى الأبد..ويرجع يشوف
حاله والقلب مصيره هينقلب.

وبعد كده جاله أخوه في المنام.. وقال له اللي لطر مش زي اللي صام.. وأنت
صمت عن المعاصي واقفيت ربك.. لازم تتصر على قلبك.. ادعي لي ليلك
ونفارك ربك.. هو اللي يخرجك من أزمك.. و اللى اللي صابك من أم.. ده
قدر وانكتب عليك.. اختيار من ربك على قدرتك وصبرك على ما
ابتلاك.. ورومانسي يقوله كان نفسي البلاء ما يقاش بفضيحة.. قال له ده نشر
البلية.. واحسن النية.. وربنا هيخرجك منها بسلام.

وسمع بياعين حتهم.. يقولوا له إحنا جينا من الزمن اللي اتحكى لك عنه
وكت فاكهه زمانك.. أدي إحنا جينا في زمانك ونقولك ربنا بيحبك.. وربي
غزالك ربي.. والست المستخية تحت الباموسية يا حرنكش.. وبتعريفة
يا جروي بتعريفة واحد.. وحلاوة زمان يا ملبن.. وبص في صندوق الدنيا
وشوف العجب برغيف عيش.. وعشان بتجري على لقمة العيش.. عيشك
عمرها ما هتبقى ضحك.



المصيبة اللي مش معمول حسابها إن طليقها راح النياية وأكد إن رومانسي
وهي كمان ليتهم سيئة.. وقبل كده طبطهم في العربية.. واتخاف معاه وراحوا
القسم.. والكلام ده مشبوت في محضر رسمي.. ووكيل النياية بقى محسار.. الولد
ده مظلوم ولا بريء.. طيب ولا جريء

..وأداله كمان هستاشر يوم استمرار حيس..ونفسينه انعقدت اكتر وكل
اللي يزوره يقوله ده اختيار صعب من مولاك..ويقولهم أنا حاسس أني هاروح
في هلاك..واستنى حكم ربنا اللي هو راضي بيه



واتعقدت المحكمة..والقاعة مليانة ناس..فيه منهم فاكرو منهم نسي..الحادثة
بقاها شهرين..وبعدا الناس شافت كثير..وهتفكر إيه ولا إيه..ووقف
الشهود قدام القاضي..واحد منهم نظره ضعيف..ولما القاضي سأله أنت
شفت إيه..قال أنا ما ياشفتش بس سمعت الناس بتقول..والشاهد الثاني سمعه
تقيل..وقال أنا شفت زحمة..لكن ما شمتش حاجة..والقاضي بص له
واستغرب..أمال اتم قلتم لي تحقيق النيابة إنكم شفتم كل حاجة..الأتين
قالوا اللي شافوا كثير..بس مش معقول كلهم هيشهدوا واختارونا إحنا
الأتين من بين الخلق عشان نشهد..القاضي اجل القضية لحين إحضار شهود
جدد يكونوا شافوا الواقعة بعينهم.



ومين يقدر يجيب شهود كانوا بالآلافات في وقت عدى وفات..وكل ما
يلاقوا واحد..يقول دي حادثة وعدت..وشفنا زيها كثير..هتفكر إيه ولا

إيه.. وبعد الشهادة ما بقت إيجابية بقت سلبية.. والقاضي يقول أمال فبين القضية.. ومحامي رومانسي يقول قضية غير مكتملة الأركان.. لا فيه شكوى من المجني عليها ولا فيه آثار اعتداء عليها.. احكمم بالبراءة وخلصنا يا قاضي.. ومحامي المجني عليها نفى القضية بالعمام والكليبة.. والناس تقول حيرتونا.. التهم محامين.. يتدافعوا عن الجاني.. أمال مين الذي هددنا عن المجني عليها.. يقول المحامي الثاني.. أنا يا حضرة الرئيس.. أنا مش بساعطي رومانسي من المسؤولية.. بس الحقيقة انه ما فيش قضية.. دي سمعة البنية اللي موكلاي أدافع عنها.. والقاضي عنه بقت راحة وجاية على الاتنين المحامين اللي يتدافعوا عن الجاني في قضية واحدة.. وسكت شوية وقال.. خلاص ما فيش قضية اعتداء أو تحرش بأننى.. طب إيه اللي شربه مخدر وجاله منين.. وولعت الجلسة.. وتأجلت مدة ثانية لحد تحريات المباحث ما تيجي ونشرف إيه حكاية المختبر اللي مكتوب في تقرير الطب الشرعي.



رومانسي لقد يفكر أكل إيه يوم القضية اللي حصلت.. لقي نفسه أكل مع أمه وماجدة أكلة بتجان مقلي وعدم بالشرعية.. وأمه وماجدة ما حصلش لهم حاجة.. قال يبقى أكيد اللي أنا فيه غير وروينا مداريه.. وان كان شربا رب اطلع منه وما اندب فيه.

وجه الخامي وقعد معاه في مكتب مأمور السجن.. يجيبه يمين ويحييه شمال يعرف
المخدر ده وصل لمعدته ازاى.. ورومانسى يقوله ما التكرش وما
اعرفش.. والخامي قال له لو خرجت من قضية التحرش بأننى.. القاضي
هيفضل فاكر ومش هينسى قضية المخدر.. وتحريات المباحث جت وأكدت
انك حسن السير والسلوك وعمرك ما قربت ناحية شر المخدر والنوع ده
من البرشام قليل في السوق.. واللى يلاقيه يدفع الشيء الفلاني فيه..
ورومانسى يقول مش فاكر ويا رب خرجني من اللي أنا فيه.. وجه له في المنام
الشيخ هندام الصياد.. وأداله شبكة مليانة لؤلؤ منور.. وعمل له منها
سبحة.. وقال له سبح بيها واذكر أسماء الله الحسنى.. وان شاء الله يجي الفرج
من العدل الرحيم.. وهينقم لك وهو الجبار.. ومصر المصيدة تصيد اللي
جار.. وجه معاد الجلسة والقاضي هينطق فيها بالحكم.. وراحت أمه وأخته
وماجدة وأستاذة عطية.. وأول مرة يزوره ويحضر معاه جلسة.. صاحبه "دهولة".
والقاضي نطق بالحكم برأته من قمة التحرش بالأنثى.. وقبل ما ينطق
بالحكم في قضية تعاطيه المخدر.. قام دهولة وانتفض.. وبكى بالدموع وقال
له يا سيادة القاضي.. أنا اللي حطيت البرشام له في الشاي.
وأمه وماجدة قاموا من مطرحهم وقلمعوا الشاشب ونسلوها على
دماغه.. والحرس بتاع الجلسة جه بسرعة وحاشه.. والخامي مسكه وطبق في
خناقه.. وقال له اعترف يا آثم.. ورومانسى بكى من وراء القضبان وقال له
كده يا صديق الطفولة.. دهوله جت له حالة هستريا وقال له أنا مش خاين
ولا خوان يا حبيب الزمان.. أنا حاولت أخرجك من الحب اللي ملخبطك

وقلت البت دي مش هتفعلك..حطيت لك البرشام في الشاي..ولسا علمت
بالحادثة التداريت وبكيت على الناي..وحرمت على نفسي البرشام وشرب
الشاي..أنا مش خاين ولا خوان..إطلع من القفص الحديد وأنا هاشخ
بدالك..أنا خدتني أعمالي وأنت للخير سقت أعمالك..هنية لك بالبراءة..
وأنا استحق السجن بدالك..وادي آخرة المخدرات يا شباب هنت حياتي
نماية هباب.



والقاضي حكم بالبراءة..ورومانسي راح لدهولة وباسه..وقال له إذا كنت
حسن النية ربنا يسامحك..وأنا مسامحك..والمثل اللي قال اللي يجاور الحداد
ينكوي بناره..وأنا انكويت من قلبي بمشاعر وأحاسيس ودبلت السوردة
الجميلة لما حاولت اقطفها بأيدي سامحني وسامحه يا سيدي.
وأبو نهي راح له وبارك له..وقال له يا بني أنا لسه باحبك ولو فكرت ترجع
الشغل أنا تحت أمرك..والفترة اللي راحت من عمرك عشان إخلاصك في
حبك هاعوضك عنها..ويا ريتني كنت أقدر أقبلك زوج لبنتي..لكن الزمن لسه
قواعد وأعراف وتقاليد وقوانين..بتلف على رقبتنا قيد متين ما نقدرش
نتخلص منه في زمن اتقلب كل معايير..وأنا عمري ما أسأت النية بيك
وكنت بادعي ربنا ينحك



فمى قعدت في اوضتها..ودمعتها تلّنس وحدقنا..أيام مرة شافتها..واللي السر
في نفسيتها..إن رومانسي كان حلم في حياتها جميل أو وحش إشا كان..
وصعب عليها حبه اللي عرفت انه من زمان..قبل ما يجتمعهم الزمان..
ولما عرفت إن اللي صدر منه كان غير على حبه ليها..تنت إفا تكون له
حبيبة..هو فيه حد في الزمان ده بيحب الحب ده..ده كان حب زمان..قيس
وليلي..روميو وجوليت..لكن الفوارق الطبقية هتفضل حدود بين الطبقات
والزمن كل ما يمشي تزيد الفوارق أكثر وأكثر..وهتفضل نستكر على
الإنسان البسيط..حبه مهما كان من الأعماق وغويط..ودع رومانسي رحلة
كانت في حياتها..حستها بقيمتها وذاقها..وهفضل ذكرى في وجدانها لحب
صادق عمره ما هيتكرر ثاني في الزمن ده والزمن اللي جاي..وهيقى سوال
يتعزف على الناس..وباي باي يا رومانسي باي باي.



رجع بيته بعد شهور في غربة الجسد والنفس..وكأنه كان في كابوس من اللي
يشوفهم في أحلامه..لقى حتهم مزينة بالنور وفي استقباله وبالزركا
حيوه..جرى على بيتهم وبص على أسرته أمه وأخته وجوزها وابنها..

وماجدلة اللي عنيها اثملت بدموع الفرحة.. كانت زي عروسة في ليلة
فرحها ومش ناقص غير الطرحة.. وخاف رؤية عين أخوه والشيخ هنادم
والظابط الممام مخلص.. يسلموا عليه ويباركوا له بعد ما الفك كربه وخبرج
من أزمته.

بص على فرشته ونزلت دمعه.. وقال ضيقة يا دينتي ولازم تفضلي
ضيقة.. ومحسوبة عليا عيطوني.. ونام نومة طويلة.

قام الصبحية لقي قدام البيت عربية.. محطوط عليها غر أجرة القاهرة.. العربية
جديدة نوي.. وفي العربية علبة توي وكارت من أبو نهي.. مكتوب عليه يا
ريت تقبل هديتي وأنت كنت مثال الإخلاص في خدمتي.. وفتح الملبسة لقي
فيها عقد ملكية العربية الأجرة باسمه.. فرت الدموع من عينه.. وادور لقي
ماجدلة والفة قدامه.. وجاية له كوياية شاي.. وشاورت له باينها وحركت
شفايفها اللي بقول له اصطباختك غسل يا عمل.. ضحك وقال لها انتي
مش عارضة تنسي العمل والمسلية.. يا أحلى إنسية.. ومدت أيديها
ومسكها.. دفعها وباسها وبصوا لبعض في حنية وفطسوا على روجهم من
الضحك.. وقال اللهم اجعله خير.

تمت بحمد الله،،،،،

٢٠٠٢/١٠/١٩

الكاتب في سطور

- ✕ عادل عبد المجيد القنصل مواليد الزقازيق ١٩٤٩.
- ✕ لواء شرطة سابق.
- ✕ حاصل على ليسانس الحقوق وليسانس الآداب
- ✕ لغات شرقية.
- ✕ مؤلف بالإذاعة والتلفزيون وعضو اتحاد كتاب.

صدر للكاتب.

أولا: مجموعة قصصية بالعامية.

- ✕ حكايات جدي وجدتي.
- ✕ حياتنا حكايات وخواطر.
- ✕ علي وصيف سيس.
- ✕ جلالية راشد.
- ✕ قلعة صقر.

× مفاهيم محتاجة تفهيم جزء أول.

× قيد الخضر ضد عفریت.

ثانياً: روايات.

× سجين زفق.

ثالثاً: سير وتراجم.

× نجوم عربية جزء ١.

× نجوم عربية جزء ٢.

حقوق الطبع محفوظة للكاتب وعنوانه:

بورسعيد ١٦ أكتوبر ع/٨٠ شقة ١٥.

ت: ٠٦٦-٢٢١١٩٤

رقم الإيداع

٢٠٠٢ / ١٨٤١٩